

सानसेयारि "बड'सा" खौरांलाइयाव  
समाजयारि जिउजो लोखा थावाय रायथाय, खन्थाय,  
सल', सल'बाथा आरु दावबायारि थावनि, पार्क  
बाइदिनि सायाव लिन्नाय लिन्निदां दैथाय हर/  
सानसेयारि "बड'सा" खौरांलाइया खेबखानावे  
फोखावगोब।

बड'सायाव लिन्नायवि हुबा खालाम,  
"बड'सा" खौर नोथां, जो बयबो आंगो खालाम।

सानसेयारि बड'सा मावखुलि

माइब नोगोर, जोहोलाव दैमाल लामा

कक्राझार, बिटिसि-783370

Website: www.bodosanewspaper.com

# सानसेयारि बड'सा



BODOSA ★ A Bodo News Daily ★ Wednesday ★ 21 October, 2020 Kokrajhar, BTC, Assam ★ Vol.- 30, Issue No. 207 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

## बिटिआरनिफ्राय ट्राइबेल बेल्ट आरु ब्लकनि गामिफोरा दानख 'जानायनि बाश्चा गैया: जयन्त बसुमतारि बिटिआर गोरोबथानि 3.1 दफाखौ मावफुनो दाजानाय कमिसननि सायाव गेवलां मेल



चिरांनिफ्राय फाकन गयारी, 20  
अक्ट'बर: थानाय 27 जानुवारी,  
2020 अक्ट'खालि एबसु,  
एन्डिफबिन मोन 4 हान्जा,

इउबिपिअ, आसाम सरकार आरु  
भारत सरकारनि गेजेराव जानाने  
थानाय बर'फोरनि 3 थि जांरिभिनारि  
गोजोन गोरोबथा थामहिनबा

बिटिआर गोरोबथानि 3.1 दफा  
बायदियै बिटिआरनि गामि  
सोसन्नाय आरु दानख 'नायनि  
सायाव खामानि मावनो थाखाय

सरकारजो दानाने होजानाय  
कमिसनआव सोद्रोमा महरै  
दुलाराय बर' फरायसा  
आफादनिफ्राय सायख 'जानाय  
एवा थिसनजानाय जयन्त  
बसुमतारिया दासान्दि बिटिआर  
हालामनि गेजेराव गामि  
दानख 'नाय आरु सोसन्नाय  
बेलायाव सुबुंफोरनि गो-गोथो  
जानाय आरु गुलु-गुजुं जानाय  
थासाखौ फोजोबनो थाखाय  
दाव-दाव जायगायाव खुंनाय  
मेल-मिथिंफोराव बाहागो लानाने  
राइजो-राजाफोरनि गेजेराव गुवारे  
आरु गेबेडे फोरमायथि होबोबाय  
थादों। कमिसन दानायनि उन  
साननिफ्रायनो जयन्त  
बसुमतारिआ बिटिआर हालामनि

गुबुन गुबुन जायगाफोराव मेल-  
मिथिं खुंनोदों आरु बिथांखौ गोबां  
जायगाफोराव बरायनायखौबो नुनो  
मोन्दों। दिनेबो 20 अक्ट'बरखालि  
चिरां जिल्लानि सिडव थायाय  
थुक्राझारव बेटल दखरा आरु  
थुक्राझार दालाइसा बर' फरायसा  
(□ 5 बिलाइआव)

## जेब्लासिम भेक्सिन फैया, अब्लासिम कभिडनि हेंथायै दावहाया सोलिबाय थागोन: मदि

गोदान दिल्ली, 20 अक्ट'बर:  
गाहाय मन्थि नरेन्द्र मदिआ दिने  
मंगलबारखालि बेलासि समाव



हादतनि सुबुंफोरजो मोनसे मोगा-  
मोगि बाश्चा सावरायनाय हाबाफारि

खुडे। मख 'नो गोनांदि, कभिड-  
19 नि गोसारनायाव मोगा-मोगि  
जानानाय सुबुंफोरनिसिम गाहाय  
मन्थि मदिआ माखासे गोनां  
बाश्चाफोरखौ फोरमायथियो। गाहाय  
मन्थिआ माखासे गोनां बाश्चाखौबो  
फोसावनाने होयो। गाहाय मन्थि  
मदिनि सुबुंफोरजो फोनांजानाने  
सावरायनाय समाव फे गो  
सानफोयवबो सुबुंफोरखौ सांग्रां  
जानाने नेमखान्थिफोरखौ फालिनो  
खावलायो। गाहाय मन्थि मदिआ

बुडेदि, बेखौ गोसोयाव लानाया  
गाहामदि, हादतआव जेब्लासिम  
मुलि सौफेया अब्लासिम उदां थानो  
हानाय नडा। हादतनि सुबुंफोरा  
मोनसे गोब्राव थासारिजो सिगां  
फारसे आवगायगासिनो दड।  
नाथाय खायसे गोहोया जौनि  
आवगायनायखौ होबथानो हागौ,  
जौनि गोजोन-खुसिखौ हेंथा होनो  
हागौ। जिउनि बिबानखौ  
सामलायनाय आरु सांग्रांथि  
(□ 5 बिलाइआव)

## लजिस्टिक्स पार्कआ आबुडै जाफुंसारोब्ला 20 लाख सुबुंफोरखौ थिसन्नो हागोन: नितिन गाडकारि ( बे बिथांखिया मुलुगनां बाजारव आसामखौ जरखा खाबु होगोन: गिबि मन्थि )

दिसपुर, 20 अक्ट'बर: मिरुनि  
रेगाथय बिफाननि मन्थि नितिन  
गाडकारिया भारतमाला बिथांखिनि  
सिडव लामा, रेल, उरां आरु दै  
लामानि गेजेराजो फोनांजानो होनो  
रहा लानायनि हादतनि गेजेरावनो  
गिबि खेब 'माल्टि मडेल  
लजिस्टिक्स पार्कनि अन्थाय  
खाम्फाखौ दिने जगिघपानि अशक  
पेपार मिलनि खमैबो 200 एकर  
हायाव भिडिअ कन्फ्रेंसनि गेजेराजो  
गाइसन्नाने होयो। जगिघपानि  
बिथांखि गाइसन थिलियाव गिबि  
मन्थि सबनन्द सनवालजो लोगोसे  
मिरुनि फुड प्रसेसिं बिफाननि  
राइज्योयारि मन्थि रामेश्वर तेलि,  
फालांगि बिफाननि मन्थि चन्द्र  
महन पातवादि, जाग्रा आदार  
जगायथाय बिफाननि मन्थि  
फनिभुचन चौधुरि, दुरिजिम  
बिफाननि मन्थि चन्दन ब्रह्मजो  
लोगोसे माखासे एमएलएफोरबो



वे हाबाफारियाव बाहागो लादों।  
माहारियारि राजा लामा 17(31/  
बि) जौ फोनांजानाय आरु अखां  
लामाजो गोदाने लुफुंनाय रुपसि  
उरां गाथोन आरु लकप्रिय गपिनाथ

बसदले उरां गाथोन, दै लामाजो  
फोनांजानाय वाटार  
टर्मिनेलनिफ्राय आरु गाहाय रेल  
लामानिफ्राय थोंजोडे  
फोनांजानाय जागोन बे

बिथांखिया। बोसोरफोमबो 13  
एमएमटिसिम मुवा-बेसाद  
रेगाथयनि गोहो थायाव बे पार्कआ  
मुवा-बेसाद रोगानाय,  
(□ 5 बिलाइआव)

## गोदान उफ्रा चिफ सेक्रेटारिखौ गिबि मन्थिआ बरायदों

दिसपुर, 20 अक्ट'बर: गिबि  
मन्थि सबनन्द सनवालआ दिने  
गावनि सरकारि थाप्रा भवनाव  
खुंनाय मोनसे हाबाफारियाव गिबि  
मन्थिनि चिफ सेक्रेटारि महरै



थानाय 4 खावसे बोसोर नाडे  
गोगो आरु गेबेडे माव बिबान  
सामलायनाने आजिरा मोन्नाय  
चिफ सेक्रेटारि सन्जय लहियाखौ  
(□ 5 बिलाइआव)

## माहारियारि सोलौंथाय खान्थिनि सायाव जिल्ला थाखोनि मावबादा खुंदों

उदालगुरि, 20 अक्ट'बर: थानाय  
34 बोसोरनि उनाव दुलाराइ भारत  
हादतनि गेजेरावनो मिरु सरकारा  
गोदान सोलौंथाय खान्थिखौ  
दाफामनो आजाना लानाय  
बायदियै दिने बे आयदाखौ लानाने

मोनसे जिल्ला थाखोनि  
मावबादाखौ उदालगुरि जिल्लानि  
हिन्जावसा गोजीसिन  
फरायसालियाव खुंनाय जायो।  
गोदान सोलौंथाय खान्थि बायदियै  
बिमा रवजो फरायनायनि गोनांथार

जानाय, फोरोंगिरिफोरा गोदान  
गियाननि सोलौंथाय होनाय आरु  
फरायसालिनि थाखो सोलायनाय  
आयदानि सायाव मोनसे जिल्ला  
थाखोनि मावबादाखौ उदालगुरि  
शहरनि हिन्जावसा गोजीसिन

फरायसालियाव नेहरु युव केन्द्र,  
उदालगुरि जिल्ला लिलेगल सार्थिस  
अट'रिटी, एमआरएसडि एन्जिअ,  
3 लाइट फाउन्डेसनआ जुथायै  
खुंनाय जायो। उदालगुरि गोजीसिन  
फरायसालिमानि गोरगुं पुस्पाधर  
बासतला, हरिसिडा गोजीसिन  
फरायसालिमानि गागि फोरोंगिरि  
आरु काजियामाति गोजी  
फरायसालिनि आजिरा मोन्नाय  
गाहाय फोरोंगिरि गनेश मुसाहारि,  
डिएएसएनि सेक्रेटारि किंकिनि  
(□ 5 बिलाइआव)

## बडाइगावनि जगिघपायाव खुंनाय मडेल लजिस्टिक पार्कनि फोसावदिनाय फोर्बायाव कक्राझारनिफ्रायबो बाहागो लाहैदों

कक्राझार, 20 अक्ट'बर: मिरु  
आरु राइज्यो सरकारनि राइज्योयाव  
दारिमिन आरु फालांगि  
फोजीखानायनि थाखाय आफां  
आसामनि बडाइगाव जिल्लानि  
जगिघपायाव फसन्नाय माल्टि  
मडेल लजिस्टिक्स पार्कनि  
गाइसन्नाय फोर्बायाव कक्राझार  
जिल्लानिफ्राय सा 300  
फालांगिरिफोरा बाहागो लाहैदों।  
दिने फुनि समाव गं 10 बासजो  
सा 300 फालांगिरिफोरा बे  
हाबाफारियाव बाहागो लानो  
थाखाय कक्राझार जिल्लानिफ्राय  
रवना होलाडे। कक्राझार जिल्ला



खुंगिरि भास्कर फुकनआ मिरु आरु  
राइज्यो सरकारनि बान्जायनायाव  
खुंनाय बे हाबाफारियाव बाहागो  
लानो हान्जानि दावबायलानाय  
हान्जाखौ कक्राझार सदर पुलिस  
थानानि लांगोनायाव बेखेवनाने

होयो। जिल्ला खुंथायनि  
बान्जायनायाव बासनि  
हेफाजाबजो फालांगिरिफोरा  
जगिघपासिम रवना होलाडे।  
दुलाराइ राइज्योयावनो सोमखोर  
(□ 5 बिलाइआव)

## मिरुनि नख 'र मन्थिआ कंग्रेस दोलोखौ 1962 नि दावहानि सायाव गोसोखांहोदों

गोदान दिल्ली, 20 अक्ट'बर:  
मिरुनि नख 'र मन्थि अमित  
शाहआ भारत-चीन हादतनि  
सिमना ओन्सोलाव मोगा-मोगि  
जालायनाय जाथायखौ लानाने  
कंग्रेस दोलोनि दैदेनगिरि राहुल  
गान्धीआ दासान्दि मिरु सरकारनि  
सायाव अजद खालामनायखौ  
फिनजाथाय होनाने थानाय 1962



माइथायनि दावहानि सायाव कंग्रेस  
(□ 5 बिलाइआव)

## मिरु एबसुआ बिटिआरनि सिडव थानाय गासै भेन्सार गुदि, गेजेर, गोजौ आरु फरायसालिमाफोरखौ सरकारि खालामजोबनायनि सायाव गोनांथार जथुम खुंदों ( मोन 13 दफाफोरखौ लानाने बिटिआरनि सोलौंथाय सेक्रेटारिनो गोसोखां लाइ गथायदों )



कक्राझार, 20 अक्ट'बर: दिने  
मिरु दुलाराय बर' फरायसा  
आफादनि आफादगिरि दिपेन  
बर'नि दैदेनाय मोनसे हान्जाआ  
बिटिआरनि सोलौंथाय बिफाननि  
सेक्रेटारि एसिएस अमरन्ज्योति  
बर्मननि मासि लानाने दैदेनायाव  
बिटिआरनि सिडव थायाव बर'  
बिजोनि लोगोसे गुबुन गुबुन  
बिजोनि गुदि, गेजेर, गोजौ

फरायसालि, सिनियर सेकेन्डारि,  
जुनियर कलेज, बिएड कलेज,  
डिग्री कलेजनि सायाव अफिसियेल  
महरे फिथाइ गोनां सावरायनाय  
जायो। बे सावराय मेलआ सोलिफु  
बोसोरनि थानाय 27  
जानुवारीखालि जानाने थानाय  
बिटिआर गोरोबथानि 6.3 दफायाव  
मख 'नाय बायदियै जायो। बे  
सावरायनायनि गेजेराजो मिरु

एबसुआ बिटिआर ओन्सोलनि  
सिडव थायाव गासै भेन्सार गुदि,  
गेजेर, गोजौ फरायसालि, सेनियर

सेकेन्डारि, जुनियर कलेज, बिएड  
कलेज, डिग्री कलेजफोरखौ गासै  
जौसे जौखोन्दो प्रभिनसियेलाइज  
एवा सरकारि खालामजोबनो हायो  
बेनि थाखाय गासै मोन 13  
दफाफोरखौ लानाने बिटिआरनि  
सोलौंथाय सेक्रेटारिनो गथायो। बे  
सावरायनायाव बिटिसि कक्राझारनि  
सोलौंथाय बिथोनगिरि, आइएस  
जेपि ब्रह्म, कक्राझार, चिरां,  
बागसा, उदालगुरिनि फरायसालि  
नायसंगिरि, कक्राझार, चिरां,  
बागसा, उदालगुरि जिल्लानि  
सोलौंथाय सेक्रेटारिनो गथायो। बे  
(□ 5 बिलाइआव)

## माइनाव बरायनाय फोर्बाजो लोगोसे बासा' फोरोंगिरि दधि महन बर'खौ बिदाय होदों

ढेकिचाजुलि, 20 अक्ट'बर:  
ढेकिचाजुलि बाथो गौथुम  
आफादनि सिडव थायाव  
माजरोमारि बाथो गौथुम आफादनि  
बान्जायनायाव माइनाव बरायनाय  
फोर्बा फालिनायजो लोगोसे 1981  
माइथायनि 28 मे खालि फोरोंगिरि  
साखिनि मुं गनायथि मोन्नाय आरु  
बे एखे बोसोरवनो सरकारजो बर'

बिजोनि फरायसालि महरे गनायथि  
मोन्नाने फोरोंगिरि हाबा मावबोनाय  
दधि महन बर'खौ माजरोमारि  
कचारिनि थाखानाय बाथो  
थानसालियाव गाजा-गोमजायै  
बिदाय होनाय जायो। जोबोद  
दुखुनांथाव बाश्चादि, माजरोमारि  
ओन्सोला गोदो-गोदायनिफ्रायनो  
(□ 5 बिलाइआव)

## सालबारि इउपिपिएल मावफारिया आफादनि मेलआव रोनागोरा नाज्जारि ( इउपिपिएल दोलोखौ सरकार दाफुंहोनो बिटिआरनि राइजो-राजाफोरा साखा-फारा )

भवानिपुर, 20 अक्ट'बर:  
"बिटिआरनि मोनफोमबो हारि-  
हारिसानि राइजो-राजाफोरनि  
गेजेराव दानिया मोनसेल'  
सोदोबखौ खोनागासिनो, बेनो  
जादों सोलायनायनि सोदोब।  
बिटिआरनि थागिबि गुबुन गुबुन  
हारि-हारिसाफोरा इउपिपिएल  
दोलोखौ गोसो गोर्बोजो बोजबना  
लादों, बेनि गेजेराजो रोखा जादोंदि,  
बे खेबाव इउपिपिएल दोलोआ  
जेरेखिजाया सरकार दाफुंहोनो।



गोनाखांथि आरु बिबान गैयैबायदि  
खुंथाय सामलायनाय हाग्रामानि  
दैदेन्नाय बिपिएफ दोलोनि  
बिटिआरनि मोन 40  
बियावफोरावबो इउपिपिएल

दोलोनि बिजाथिफोरा सिगांसिन  
सायियाव दं। हाग्रामा महिलारिनि  
दैदेन्नाय बिपिएफ दोलोनि  
गोनाखांथि, गुलाइ-गुजाय खुंथाय  
(□ 5 बिलाइआव)

# चभ 'लिन

एन्टिसेप्टिक क्रीम  
आरु  
इमलियेट

आरो गोजों आरो गुरै बिगुरनि थाखाय



# सुजुगिरिनि खोलोम

## गार्विन सायाव फोथयनायासो जाफुंसार होयो

आथिखाल मोनफा आबाद दिखानाय एवा मावनायनि थाखाय थि सम एबा बोथोरखौ नेंनांगौनि गोनांथि गैलिया। जायखि-जाया समावनो मोनफ्रोम आबादखौनो मावनो एबा दिखानो हासै, मोनफा-मोननै फसलनि अनगायै। गोदोनि समाव बोसोर खालाव मोनफाल' आबाद मावनानै दिखानाय जायोमोन आरो बेजोनों बोसोरनि जानाय आदार, थाव-संखै-फानल्लु , गान्नाय-जोमनाय, गथ'-ग'थायनि बाइदिसिना नांनयाखौ फोलोमसे फोलोमनानै नख'र सालायनांगौ जायोमोन। जाउनाव गोबाडानो रांखास्थियारि बिथिडे' बयनावबो जेंना नुजायोमोन। गोदोनि' बाथ्रा फेंया आथिखालावबो आबादजौल' गासैखौबो सामलायनांगौया गोब्राव जायो। नाथाय आथिखाल गोबां रोखोमनि फसल जिने दाननि गेजेरावनो जाब जाब आबाद मावनानै फसल दिखानो हानाय जौनि गोनोखोगिरिफ्रा दिहुनबाय। बाडाइ सम आरो गोबां दिहुन्थाय गोनां बेफोर फसलजौनों जौनि आबादारिफ्रा गोबां फिथाय मोन्तो हानाय जाबाय आरो मुलाम्फाबो आर्जिनो लामा मोनसै। गोनोखोगिरिनि बे दिहुन्थायानो बाडाय सम आरो एसेल' हायावनो गोबां बिबांनि फसल दिहुन्नायाव मदत खालामबाय। जायनि थाखाय आथिखालाव आबादारिफ्रा मोनफा नडा मोनफा आबाद दिखानानै मैंग'-थाइंगनि फालांगि खालामनायनि लामा मोनबाय। मेसॅनि मेसॅ, दैज्लांनि दैज्लां गोबां रोखोमनि मैंग'-थाइंगनि आबाद मावनानै गोबां बेसेनाव फान्दो हानाय जाबाय।

बबेबा समाव बोथोरा आबाद दिखानाय आरो मैंग'-थाइंग मावनायाव आबादारिफोरखौ बाइदिसिना जेंनायाव खोख्लैनानै आन्दायहोयोबो। नाथाय बेनिबो गुबुन राहा लामा दिहुन्नायाव सुबुंफोरा जाफुंसारदंबो। बबेबा समाव दैज्लांनि गाइनांगौ-फुनांगौ समाव रानस्राव बोथोर नुजाधिनाया जायगा जायगा आबाद दिखानायाव गोबां खहा खालामनानै होफैयो। बिब्दि जायोब्ला दैजलांनि माइ आबादनि सायाव सोनारनानै जिउ खुंग्रा आबादयारिफोरा गोबां जालायाव गोम्लैनाडो आरो आंखाल नुजानायनि बेबो मोनसे जाहोन जानो हागौ। आथिखालनि समाव आबादयारिफोरनि खहाखौ फोलोमनो सरकार बिथिनिफ्राय बाइदिसिना रोखोमनि मदत होनायनि बिथांखिफोर लानाय नुनो मोनसै, जायनि गेजेरजौं बिसोरबादि आबादयारिफ्रा एसेयैब्लाबो हुंखा मोन्तो हागौ। बेफोर बादि मदतफ्रा आबादारिफोरनि थोजासे जायाबो जानो हागौ। बेखायनो गार्विन फारसेबो गोखौं फोथयनाय लानाया गाहाम।

# दिनैनि फानजायुधि

## राशि बाइदियै मुंनि गिबि हांखो

मेष : अ ल बृष : ऊ ब (उ ए इ) मिथुन : क छ (ड ङ) कर्कट : ड ह सिंह : म ट कन्या : प ट (ण ष) तुला : त र बृश्चक : ब न धनु : ध भ (ङ फ) मकर : ख ज कुम्भ : ग श (स) मीन : द च (ख ज झ)

-  **मेष:** जैरेबो लोगोनि हेफाजाब मोन्तो हागोन। अनलायनाया बांगोन।
-  **बृष:** बायदिसिना जाथायाव गोलैबायनो हागौ। जैरेबो सांग्रां जानानै थानांगोन।
-  **मिथुन:** मोजां खामानि मावनानै जौगाखांलांनो हागोन। बयखौबो थुलुगाखांहोनो हागोन। मोजां सान।
-  **कर्कट:** दिनैनि साना गोथार सान। गोथार खामानिखौ मावनानै लानो हागोन। जौगानाय फैनो हागौ।
-  **सिंह:** बे राशिनि थाखाय अशुभ सान। मोजां खामानियाव आगान होग्रोनो नाड। गात्रि सान।
-  **कन्या:** सुथुर जानानै थानाया जोबलांगोन। गोजोने नखर दानो हागोन। फोरफ्रोमबो मोजां।
-  **तुला:** बायदिसिना जालु जाला जानाया जोबनाय नडा। महर मुस्रिआ गोमालानो हागौ। सांग्राडै था।
-  **बृश्चक:** मानिबा जाहोनाव दुखु-दाहायाव गोलैबायनो हागौ। गोसोखौ लोरबां खालामनो नाड।
-  **धनु:** दिनैनि गोथार सानाव बायदिसिना रोखोमनि खामानिखौ मावनानै लानो हागोन। मोजां सान।
-  **मकर:** फालांगि मावनायाव रांखावरि आय जानो हागौ। फालांगिरि मावग्रानि थाखाय गाहाम सान।
-  **कुम्भ:** सास्थि गैयैजौनो दिनखौ बारहोहरनांगोन। मावनाय-दांनयाव थैज्य गैयै जागोन।
-  **मीन:** माबाफोर खामानि मावनो गोनां दड्ढा मावनो हागोन। दिनैनि सानआ गोथार सान।

# ॥ निखाउरि मोदाइ आरो राजखान्थिआरि दैदेनगिरिफोरनि बिफाव ॥

## रत्नेश्वर बसुमतारि फन: 7670001654

### ( सिगां बिसाननिफ्राय )

दानिया फैदोनि जौनि राजखान्थियारि दैदेनगिरि बर' हारिनि रेखागिरि, समाज सिबियारिनि बिफाव आरो सुबुंसारमोननि बादि दुखिया निखावरि फरायसाफोरा रांनि आंखालाव सोलेंथाइ लानो हारिनि थाखाय राजखान्थिगिरिफोरा दायनिगिरि नंगौना नडा इसे सा-सांजयैब्लाबो बिजिरना नायदोनि। सुबुंसारनि बिफा जापान नार्जरीया आरो बिमाया मिडियानि सिगाडव गाव जोनोम होना गेदेर गोलाव खालामनाय लेखाफोरों होनानै देग्लाय मेट्रिक आन्जादल' होनो गोनां मेलेमगोनां फरायसा फिसाखौ अबधिरा जिउ फोजोबना लानोगोनां जानायाव गुबैयै दुखिया-निखाउरि जानायनि थाखाय सानावनो खोमसि नुनायसै। करना भाइरासनि बुहुमनां गालोब खानायनि जाहोनाव फरायसालिफोरखौ खम खालामना लाखिनो गोनां जानायाव आथिखालाव लासै लासै अनलाइनि गेजेरजौं सोलेंथाय लाहोनो आरो आन्जाद होनो स्मार्ट फन मोन्तो हायैयाव फिसा सुबुंसारा फरायसा जिउनि लामाखौ खोमसि नुहुरना गार्विन जिउखौनो फोजोबस्राना लानाबाय होना गार्विन निखाउरि हालसालखौ दुसिना खाफाल दारखाइ दारखाइ बिखा सौयै सैयै आसाम सरकार, बिटिसि, सरकार थामहिन्बा जिल्ला खुंथाइगिरि (डिचि), महकुमा खुंथाइगिरि (एसडिअ), आरो गुबैयै बर' मन्थ्रिफोर, एम.एल.ए आरो इ.एम सिल एलफोर, भिसिडिसिनि सियारमेन, सोद्रोमाफोर माखासे थारसैयावबो रावबो सासेबो नार्यफिनेयाव होखाव हसि खुगासना गोसो गोरबोयाव खोनाय बुंफ'ना थानाय दुखु-दाहा, अजदफोरखौ इलेकट्रनिक मिडियाआव गाबै गाबै बुंफुस्राना होनायखौ जाय नुदों, आरो खोनादों वयनिबो गोसो गोरबोआ खामि-बिसि मोनखागोन।

सुबुंसारनि बिमा-बिफानि दुखु-दाहा आरो अजदफोरखौ खोनानो मोन्नानै सुबुंसारनि दुखिया नख'रनि बादि आरोबाव दि बेसेबां रोजा रोजा, लाख लाख गोरिब नख'रनि दुखु-दाहाजों राइजो जानाय गुबैयै बोथिसै जाना बोथिसै राना थानाय, बायहं-जिहं न'-बां एवा हा-हु गैजारोडि दुखुथिया नख'रनो बर' दैदेनगिरि राजखान्थिगिरिफोरा जैरेबादियै सिगांग्रो मोननांगों

मोनथाइफोरखौ मोनहोनो राहा लानांगौमोन बिदि मोनबो बिथांखि लानाय नुनो मोनाखैसै। माबेबा ओन्सोलनि सानैसे गोरिब नख'रनो बिघासे बिघानै हा होनानैनो आखाइ सुनाय नुनो मोनो राजखान्थिनि गोहो बोलो सालायाग्रा बँगिरिफोरखौ। खायफा न'-बां गैजारोडै नख'रसे नख'रनै गोरिब सुद्रानो सरकारि स्किमनि गेजेरजौं न'-बां लुना होदोंब्लाबो गोबाडानो दिनैसिमबो मोनजोबनो हायाखै एवा होयाखैसै। बेराफारसँथि गोरिब निखाउरिनि जायगायाव गोनांखरफोरासो खाबुफोरखौ भिसिडिसिनि सोद्रोमाफोरा रानना लासावनाय होन्ना खोनानो मोनो।

थार बाथ्रा बुंनो थाडोब्ला बर'फोरा बाजि बोसोर सिगांनिफ्राय आलादा हादाब दाबि खालाम खालाम सोमावसारबोनाय उनाव 2003 मायथाइयाव बिटिसि जाखुंथाइखौ मोननायनि उनाव बिटिसि ओन्सोलनि बर'फोरनि गानाय लुबैनायखौ इसे-एनैब्लाबो सुफुंनो खाबुमोनो। आलादा हादाब नडब्लाबो भारत्यारि संबिजिरनि द'थि दफायाव बड'लेन्ड टेरिटरियेल काउन्सिल (बिटिसि) थामहिन्बा बड'लेन्ड हालामारि जाखुंथाइ मोननाय उनाव कक्राझार, सिरां, बाकसा आरो उदालगुरि बै गंर्रै जिल्लानि बर'फोरखौ लाफाना गुबुन गुबुन ट्राइबेल-ननट्राइबेलफोरनि रांखास्थि सोलेंथाइ बिथिं दावगाहोनायनि लोगोसे बिटिसि ओन्सोलनि हान्था-मेल, रोगाथाया आरो दावगासलांहोनोनो बर' दैदेनगिरिफोरा राजखान्थि आरो राडारि गोहो बोलोखौ दिल्ली आरो दिसपुरनिफ्राय डिमेन्ट्रै लाइस राहालामाजों मोननो गोहोलायो। जाउनाव लेनथ्रियै बिटिसिजों हाग्रामा महिलारीनि दैदेनायाव बर' दैदेनगिरिफोरा बिपिएफ हान्जानि दैदेनगिरि मावथिफोरा खुंनारनि गोहोबोलोखौ मोनो। बिथांमोना हाजसे बिटिसिनि दावगा खानाय माखासे मावफुंनो हादोंब्ला गुबैयै हान्था मेला, सोलेंथाइ टुरिजिम सावमि आरियाव दावगाखानाय नुनो मोन्दों। बेनि थाखाय बिटिसिनि गोरा गाहाइ हाग्रामा महिलारी आरो बिपिएफ हान्जाखौ राइजो राजाया बाखनायनो नांगोन। नाथाय दुखुनांथाव बाथ्रायानो जाबाय हाग्रामा महिलारीनि दैदेनाय बिपिएफ हान्जानि खायफा दैदेनगिरि मावथिफोरा बिटिसिखौ खुंनारनि मुडव मिरु सरकार आरो आसाम सरकार हरनाय कौटि कौटि रांफोरखौ एसे-एनै खामानि मावप्लाना खावसेनि गोबांसिनानो रांफोरखौ गावबा गार्विन सिफियाव सोनालानाय जाउनाव जापान नार्जरीमोन बादि गोबां दुखिया लोरबां थाखोनि नख'रफोरा सरकारनि स्किमनि सिडव

न'-बां गैजारोडिनिखाउरिफोरनो गोबांसिनानै दिनैसिमबो मोन्दों मोनाखैसै। जायनि जाउनाव जापान नार्जरी मेलेमगोनां फिसा सुबुंसारखौ रां-रूपानि आंखालाव बिटिसि मोननायनि बोसोरजिस्नि बारलानाय उनावबो बिटिसि सरकारनिफ्राय मोनबो खाबु हेफाजाब सा सुबिदा मोनैनि जाउनाव खोमाना लानो गोनां जाबाय। बेराफारसँथि बिटिएडि खुंथाइयाव बिपिएफ हान्जायाव लोबबा बायानाय गोबां हानो गैजारोडिनिफ्राय धोनि जमीदार जाबाय नफ्रायो बिल्डिं जाबाय, साइकेल स्कुटरनिफ्राय लासैरिया ब्रै साखानि कार मथर जाबाय। नाथाय सासे मन्थ्रि एमएलए थालाय आरो बिटिसिनि गोरा गाहाइफोरा दुखिया नख'रनि मेलेमगोनां फरायसाफोरखौ सोलेंथाइयाव जौगा हायगा खालामनो रावबो आवगायबोनाय सिगांबोनाय नुनो मोनाखैसै। जों नुगासिनो दं राजखान्थि गेलैग्राफोरा हारिनि मुडव सोमावसारनायाव आरो भटआव देरहानो गोरिब गुन्ना जाम्बा-जाम्बि बयखौबो नांगौ जायो। नाथाय बिसोरनि खौफोदाव गसंथिफैनाय, मदत आरो हेफाजाब होनो बावगार लाडो। दुखिया गोरिबनि रांखास्थि बिथाथिखौ साबखांहोनो मोनबो राहा लामा खालामा। आबाद मावनो बागानयारि बानायनो हा गैजारोडिफोरनो हा रानना होया। बेराम खामाराव जब्रा जानायफोरखौ देहा फाहामनो राडारि उनसुंथाइ होया। बेकार जानाय थानाय सेंग्रा सिख्लाफोरखौ गार्विन खाथिडव गसंनो सरकारि मोनबो साबजाथाव, हामजाथाव मावबिथांखि गैया। बिदिब्ला दाइन जिथाइ मायथाइनो उपेन्द्र नाथ ब्रह्मआ दुलाराय बर' फरायसा आफादनि आफादगिरि जानानै बर' हारिनि थाखाय बड'लेन्ड हादाब सोरजिना समाजखान्थि, रांखास्थि आरो राजखान्थि बिथिंखौ गोमोम आरो दावगाखां होनानै बर' हारिखौ सोलेंथाइ, राव-हारिमु, दामनाय-देनाय, रोजाबनाय- मोसानाय बाइदिमैया गेलैनाय आरियाव जैरेबो जेथिबो दावगाखां होना बर' हारिखौ मुलुगनि मोनसे गेरमसा हारि (Master Race) दानो बड'लेन्ड सोमावसारनाया बरे मोगथाडव जाफुंहैगोन ? बड'फानि सिमांजों जोथारना बर' हारिनि मुडव आलादा हादाब दाबि खालामफलाना बिटिसि एबा बिटिआर खुंनारनि मुडव खायफा राजखान्थि दोलोन गोरा गाहाइफोरा आरो सेला सामुन्दाफोराल' कौटिपति लांनारनि' राजखान्थियारि गोहो बोलोयाव देरहासार जानायनि दावहाखौ गेलैबोनो हमदों नामा ? बर' हारिनि सानसुमै मेलेमजबिफोराबा मा बुडो ?

( सल' बाथ्रा )

**ससी नार्जरी ( एम्बु )**

# साव

दोन्दो। जुनातआ रंजालिनि खोथाखौ मानिनायसै। बियो रंजालि बिफाखौ होखारहरनायसै। आरो रंजालिखौ लाखिनायसै। रंजालिखौ जुनातआ बुंबाय - नों बेमहलाव खुलायै बेरायनो हागोन। बेमहला दिनैनिफ्राय नोंनि नाथाय सोनाबनि खथायाव दाहाब बे खथाय नोंनि नडा। नाथाय हर गेजेराव रंजालिआ सिरि-सिरि स ो न ी ब ि न खथायावहाखुमाहैबाय। बेयाव बियो जादुनि गलाब बिबारखौ नुनानै गोमोबाय जायखौ खोरखि खाथिनि दिंग्रियाव सोनानै दोनदों। जुनातआ गाराजों खिरखिनिफ्राय हब्राहरनायसै। रंजालिआबो गिनायजों हाखु दाखु ख'थानिफ्राय ओंखारबोनायसै। गिनायजों रंजालिया महलखौ नागारनानै हाग्रा थिंजाय खारलांबाय, जेराव बियो माखासे हाग्रानि सियालजों होसो जानायसै। बे समावनो बै जुनातआ गुजाथिफेनायसै आरो िस य ी ल फ ो र ख ौ होहरजोबनायसै। रंजालिआ नुबाय जुनातनि सिगांनि आर्थिआ थै गदों। रंजालिआ दुखु मोनबाय। रंजालिआ बेखौ महलाव लाबोनायसै आरो आर्थिआव सि खानानै होनायसै। आनि जिउखौ रैखा खालामनायनि थाखाय गोजोनथों। जुनातआ जेबो बुडाबालानो थाबाय। नाथाय जेब्ला रंजालिआ गुबुनथिं थाडों अब्ला बनि थिंजाय मिनिस्लु खालामहरनायसै। माखासे दिनफ्रा सुखुयै थानायसै। जानो हागौ बेनि साव होनायखौ बोखानो हासिगोन। क े थ ि ल अ ी रायज्जलायखोमानायसै।

रंजालिआ बेखौ थाल होयामोन। सम सम फलाना बुंनारयमोन - नों मानो बिजाबनि सोलायैआंखौ नाया आं बिजाबनिफ्राय साबसिन। सानसेखालि नरेनआ गार्विन जिनिसखौ फाननो गरायाव गाखोनानै थानोंमोन, नाथाय हाग्रा गेजेराव बियो लामा आन्दायनायसै आरो हाग्रानि माखासे सियाल फोरजों बंधेजानायसै। नरेनआ खारनानै हाग्रा गेजेराव मोनसे सोमो नांथाव गोजाम राजमहलाव सौहैनारसै। राजमहला सिंआव, गंसे केथलि, गंसे घरि आरो गेसे ममबाति देनग्रआ नरेनखौ बरायनायसै। बिसोर बुंबावबाय - जौनि गुरुआ नोंखौ बेयाव नुयोब्ला रागा जौगोन बेखायनो नों थाव ओंखार लांदो। नरेना के थलि रायज्जलायनायखौ गोमोबाय। बे समावनो गिखंथाव जुनातआ नुजाथिनायसै आरो नरेनखौ ह मनानै महलनि दन्दराव सोनानै दोनबाय। गाराया खारनानै नआव सहैनारसै, रंजालिआ गरायखौ हारिं फैनय नुनानै जोबोत जिंजा सिबाय। बियो गरायनि बिखुंआव बारखोनानै बुंबाय - थौ आंखौआफानिसिमा लां। लोगो लोगो गराया गोखै खारनानै बै राजमहलसिम लानानै थांबाय। रंजालिआ नायगिरनानै बिफाखौ दन्दराव मोनहै बाय बे समावनो ज ु न ी त अ ी ब ो खाथिनायनुजाथिफे बाय, रंजालिया गोमोनायजों आरो गिनायजों गाबनानै बुडो - आफाखौ ह गारदो बनि सोलायै आंखौ जोबथेनानै

सासे जायखि जाया मानसिखौ मोजां मोन्नांगोन जाय नोंखौ मोजां मोनफिनगोन। नडाब्ला नों अराय सम जुनात जानानै थागोन, आरो जुदि बै मानसिआ नोंखौ मोजां मोनोब्ला नोंनाव आं साव होनाया जोबगोन। बिदि बुंनानै मोदायजोआ स्रोत गोमोरनायसै। जुनात महर लानाय राजखुंगुरा गावखौ राजमहलनि सिंआवनो दोमखुमानायसै मानोना बियो गार्विन गिथाव महर खौ मानसिफोरनि सिगाडाव दिन्थिनो लाजिदोंमोन। जादुनि आयनाजोंसो बियो बायजोनि जाथायफोरखौ नुनो हानायमोन। गोबां बोसोर थांबाय रावबो बेखौ मोजां मोनाखै जुनातआ आसाखौनो गारबाय जे बेखौ सोरबा मोजां मोनगोन होन्नानै। आरो लासै लासै सिरिजेननो ह मबायमोन गांफा-गांफा गलाप बिबारनि गांखंआ। बे रायजोनि राजथावनिनि खाथिआवनो दरसे फिसा गामि दंमोन, बे गामिआवनो सासे नायनो मोजां सिख्लासा रंजालि मुनि दंमोन, बियो बिफाजों थायोमोन बिमा गैजालामोन। रंजालिनि बिफा नरेनआ सासे मिष्टिमोन आरो गोदान गोदान जिनि स बानायनानै बोसोरसालि मोलाफ्राव फानहैनारयमोन। गामिनि मानसिफ्रा रंजालिखौ मोजां मोनजोबोमोन। रंजालिआ अराय सम बिजाबजों सान थांहोनायमोन। सासे सेंग्रा फलाना बनि खिबु खिबु खारफानायमोन। नाथाय

सानसे खालि जुनातआ रंजालिनाव सों - नों बेयाव खुसि नामा रंजालि ? -औं आं खुसि नाथाय आं आफाखौ खेबसे नुयोब्ला गाहाम जागौमोन आं बियो मार्रै दं। रंजालिया फिनबाय। नों बेखौ खालामनो हागोन। बिब्दि बुंनानै जुनातआ बिनो जादुनि आयनाखौ होबाय। आयनायाव रंजालिया नुबाय बिफाया गावखौ नायगिरगारिनो दं, नागिरे नागिरे बिफाया गोलैदों -आं नआव थांनांसिगोन नडाब्ला आफाया थैसिगोन। रंजालिया गाबनानै बुंबाय जुनातआ दुखुयै बुंबाय नों थानो हागोन नाथाय जादुनि आयनाखौ लांफानांगोन जाहाथे नों आंखौ बावआ। जादुनि आयनाया रंजालिखौ बिफानिसिम लानानै थांबाय नाथाय न'आव लाबोखानायनि उनाव माखासे गामिनि मानसिफ्रा बिफाखौ फागला जाबाय होन्नानै बुंबाय, बै फलाना बिसोरनि गेजेराव बुंबाय बेखौ जों फागला फाहामग्रा जायगायाव हरसिगोन, मानोना बियो बुंदों गावनि फिसाजोखौ हाग्रानि जुनातआ हमनानै दोन्दोंनो। फलाना मोनथिगोमोन नरेना फागला नडा होन्नानै बियो रंजालिनि सिगाडव बुंखामाबाय -जुदि नों आंखौ हाबा लायोब्ला आं बयनोबो बुंथिगोन नोंनि बिफाया फागला नडा बियो मोजांसो होन्नानै। बियो जेब्लाबो जानो हाया, बे खामानिखौ आं मावगोन। रंजालिया फिनबाय आरो गामिनि मानसिफोरखौ खाथिआव लिंहर जोबनानै बुंबाय आफाया फागला नडा बै जुनातआ थारैनो मोखथाडव दं बेखौ' जुनातखौ सोरबा सोरबा गिबाय, बेखौ नुनानै रंजालिया बुंबाय - नोंसोर दागि बियो जेबो गात्रि हाबा मावआ। जेब्ला फलाना नुयो जे रंजालिआ बेसे मोजां मोन्नायजों बे जुनातखौ नायदों अब्ला बेहा मेगन सानायसै बियो बुंनारसै-रायजोफोर बे जुनातआ नायनाय बेसे गिखंथाव बियो जोंखौ उदखार खालामफेनो हागौ आरो जौनि गथ' गथायफोरखौबो लांखारनो हागौ, जों बेखौ बुथाहैनगौ। अब्ला गामिनि मानसिफ्रा बयबो राजि जाबाय आरो बै जुनात थाग्रा महल थिंजाय थांबाय। रंजालिआ लाखिनो नाजाब्लाबो हायाखिसै। बिबो उन उन महलसिम सहै फाबाय, बियो नुबाय फलान आरो जुनातआ बुलायगासिनो दं। जुनाता रंजालिखौ नायनानै बुलायनो बावबाय। बे समावनो फलाना दाबासुरि जों जुनातनि बिखुंआव सुनानै होनायसै। जुनातआ सानाय मोन्नानै गोबाइ हब्राबाय, बेखौ खोनानानै फलाना गिनानै फासायलांबाय आरो दै बेसेबा गोथौआव गोलैहैबाय। रंजालिआ जुनात गोलैनाय खाथिआव हान्थु खेराफे बाय आरो बनि खावलाआव खुदुमफेबाय आरो बुंबाय -नों थैनो मोना मानोना आं नोंखौ मोजां मोनो। बिदि खोनानाय लोगो लोगो बै जुनाता सासे नायनो समायना सेंगरासनि महर लाबाय मानोना सावनिफ्रायबियो रैखा मोनबायमोन। बयबो गोमोजोबबाय बेखौ नुनानै। जादुनि गलाब बिबारखौ बायफिनबायमोन आरो रंजालिजों सेंगराजों हाबा जानायसै जायखौ जुनात महरावबो रंजालिआ मोजां मोन्दोंमोन। बेबायदियैनो बिसोर आलो गोजोनै राइजो जानायसै



## टिआरपिखौ मोनो नाजानायाव सुबुंतन्त्रनि 4 थि खाम्पा एबा मिडियाआवनो सौंथि सिखारदों

गोदान दिल्ली, 20 अक्टूबर : टिआरपि (टेलिभिजन रेटि पड्ट) खौ मोनो नाजानायाव निउज सेनेलनि खौरांगिरिफोरा जेनायाव गोलैदों। गसिबो निउज सेनेलफोरा खौरां आरो दान्थे-बिदान्थे जानायखौ नुनो मोनाय जायो। गसिबो निउज सेनेलफोरा गावसोरखौनो नाम्बार वान होनानै दाबि दैखाडो। बावयैसो समाव हादतनि मोनै गिदिर निउज सेनेलफोरनि सायाव जानला-मोनला खालामनायनि दाय जाबसिन्नाय जादों। टिआरपिखौ मोनो नाजानायावो सुबुंतन्त्रनि ब्रैथि खाम्पा एबा मिडियाखौ सौंथिनि बेखनथायाव गसं होदों। निउज सेनेलफोरनि जेनाखौ सुप्रानायनि थांखिये सप्ताह खानफ्रामबो बृहस्पतिवारनि साययाव




टिआरपि फोसावग्रा फसंथान वार्कआ फेनो गोनां माखासे सप्ताहसिम आलादा आलादा निउज सेनेलफोरनि टिआरपिनि अन्जिमाखौ फोसावनाय नडा। बेवहाय हिन्दी निउज सेनेल, ईलिस निउज सेनेल, बिजनेस निउज सेनेल आरो ओन्सोलारि रावनि गसिबो निउज सेनेलआ दंफा देरो। बार्कआ बुंदों, बे समाव गावनि टोमया टिआरपि

सुनायनि मानदान्दाखौ नायबिजिरगोन। आथिखालाव सौंथि देखांनय जादोंदि, 2-3 दानसिम निउज सेनेलफोरनि टीआरपिखौ फोसावनायासे इलेक्ट्रिक निउज मिडियाखौ सुप्रानो नाजानाय जादों, मा बियो जाफुसारगोन नामा? मख'नो गोनांदि, जाय सेनेलनि टिआरपिया बांसिन जायो, बेनि बांसिन बेसेन गोसा फोसावदिखौ मोनो।

## माखासे राइज्योफोरनि पुलिसफोरा गोरोबलायनानै नक्सालीफोरनि हेंथायै अपारेसन खालामसिगोन

गोदान दिल्ली, 20 अक्टूबर : दरसे राइज्योनिफ्राय गुबुन दरसे राइज्योआव नक्सालीफोरनि थांलाय-फैलायखौ होबथानो थाखाय छत्तीसगड्जों लोगोसे गंभ्रै राइज्योफोरनि पुलिसफोरा ज' गोरोबलायनानै अभियानखौ गोखों खालामगोन। बेनि अनगायैबो दरब्रै गुबुन राइज्योफोरनिफ्रायबो नक्साली, सिखावजों लोगोसे गुबुन आयदाफोरनि सायावबो समानिथिखौ बारायहोनाय जागोन। दरब्रै राइज्योफोरा नक्सालीफोरनि हेंथायै खालामनाय सोलोखान्थिखौ जाफुसार होनो थाखाय थांनय सानफोराव गोजौ थाखोनि जथुमा खालामो। सुलुडाव फोरमायनाय बायदिल्ला, बे अभियानआव गोनांथि बाइदिये गुबुन राइज्योखौबो



सोफादेरगोन। बेनि गेजेरजों रैखाथि हान्जाजों लोब्ला गोनां बिबानगिरिआ बुडोदि, छत्तीसगड्, महाराष्ट्र, तेलेंगाना आरो उरिष्याआव पुलिस आरो रैखाथि हान्जानि सोलोखान्थिजों लोगोसे नक्सालीफोरनि खौ फोजोबस्रानायनि अभियान सालायगोन। बिसोर राइज्यो नक्सालीजों लोब्ला गोनां

मोनफ्रोम खौरांखौबो गावजों गाव फोरमायलायगोन। बिबानगिरिफोरनि बायदिल्ला, दरब्रैबो राइज्योफोरा दानफ्रोमबो डिजिपि थाखोनि जथुमायाव अभियाननि सोमोन्दै सावरायलायगोन। सुलुडा बुनाय बायदिल्ला छत्तीसगड्नि गोबां नक्साली गोहोम गोलैनाय राइज्योफोराव रैखाथि हान्जानि नक्साली होबथानाय अपारेसननि उनाव माखासे नक्सालीफोरा खारलानानै

गोदान ओन्सोलफोराव थाडो। अदेबानि नक्सालीफोरनि गोदान बेल्ड थियारि खालामनो नाजानायावो रैखाथि हान्जानि खौरांङाव दड। रैखाथि हान्जाआ गनायोदि, आथिखालाव नक्सालीफोरा गोबां लोरबां थासारियाव दंसै। बेराफासँ बिसोरनि गारलोबनायनि थांखियावो जाफुसाराखै। बेबायदियाव नक्सालीफोरनि दैदैन्यायव गोदान ओन्सोलफोराव बिसोर गावसोरनि गोहोखौ अरायथा

खालामनो नाजगासिनो दड। मख'नो गोनांदि, नक्सालीफोरनि ट्राइजेक्सनखौ नोजोराव लाखिनानै राइज्योनि सोलोखान्थिनि थांखिखौ थांनय 2009 माइथायनो जागायदोंमोन। बे समाव मोन 3 आफादाव ट्राइजेक्सननि सिडव अन्ध्र प्रदेश, महाराष्ट्र, छत्तीसगड्, उरिष्या, झारखान्ड, छत्तीसगड् आरो सोनाब बंग, झारखान्ड उरिष्याखौ सोफादेरना जादोंमोन। बेनि उनाव थांनय 2018 आव नक्सालीफोरनि गोदान ओन्सोलनि सायाव रैखाथि हान्जानि नोजोरा गोलैयो। मिबथिनो मोन्नाय बायदिल्ला, गेजेर छत्तीसगड् आरो महाराष्ट्र बडारनि गिख्थव हाग्राफोराव नक्साली ट्रेनि केम्प सालायनानै नक्सालीफोरखौ गुरिल्ला वारनि ट्रेनि होगासिनो दड। बेनि गेजेरजों रैखाथि हान्जायावो गावसोरनि सोलोखान्थिखौ गोदाने थि खालामबाय।

## अन्ध्र प्रदेश आरो तेलेंगानायाव दै बानाजों गोबां ख'हा

हाइद्राबाद, 20 अक्टूबर : अन्ध्र प्रदेश आरो तेलेंगानायाव लान्थियै रोजा अखा हाबाय थानानै दै बानानि थासारि सोमजिदों। अन्ध्र प्रदेशआव 1.67 लाख हेक्टर हायाव मावनाय आबादआव दैजों लोमसावजोबदों। हाइद्राबादआव 37 रोजानि बांसिन सुबुंफोरखौ दै बानाजों गोहोम गोलैनाय जायगानिफ्राय रैखाथि जायगाफोराव दोन हैनाय जादों। फासँथि तेलेंगानायाव दै बानाजों सा 70 नि बांसिन सुबुंफोरनि जिउया ख'हा जाबाय। बोथोर बिफाननि बादिब्ला, तेलेंगानायाव 22 अक्टूबरसिम अखा नागरनाय नडा। एलाट फोसावनानै बोथोर बिफाना बुंदोंदि, 22 अक्टूबरसिम रोजा अखा हाबाय थागोन। तेलेंगानानि गुबुन गुबुन ओन्सोलआव अखा खोरमनायजों लोगोसे रोजा अखा हागोन आरो माखासे जायगाफोराव सारअन्थाय



गवानानै ख'हा जानो हागौ होनाबो सांग्रांथि फोसावदों। स्काइमेट बेदारनि रिपर्टनि बादिब्ला बोरिमा अन्ध्र प्रदेश, तेलेंगाना, खोला कर्नाटक, तामिलनाडु आरो गुजरातनि माखासे ओन्सोलफोराव गेजेर थाखोनि आरो माखासेयाव रोजा अखा हानो हागौ। बेनि अनगायै नागालेन्ड, मणिपुर, मिज'राम, त्रिपुरा, उरिष्या आरो आन्दामान निकबर द्वीप हान्जाया गेजेर थाखोनि अखा हानो हागौ।

आबाद मन्थि कुरसला कन्नुबाबुआ फोरमायदों दै बानाजों गोहोम गोलैनाय ओन्सोलफोराव रेहाय अभियानखौ गोखोडै सोलिहोनाय जादों। राइज्योनि गिबि मन्थि वाइ एस महन रेड्डीआ समबारखालि दै बानाजों गोहोम गोलैनाय ओन्सोलफोरखौ एयारप्लेनजों नायगिदोंदों। तेलेंगानानि सहर जौगाखां आरो नगरपालिका खुंथायनि मन्थि केटी रामारावआ बुंदोंदि, हाहाय ओन्सोलफोराव थानाय सुबुंफोरखौ सांग्रांथि

न'आव सिलिंखार जादों बिसोरनो से लाख रां अन्सुंथाय होनाय जागोन आरो बांदाय ख'हा जायै नख'रफोरनो 50 रोजा रां मदत होनो फोसावबाय। राइज्योआव रांखान्थि अन्सुंथाय रान्ना होनाय बिबानखौ राइज्योनि गाहाय नेहाथारि समेश कुमारनो बिबान होनाय जादों। गासैबो मन्थिफोर, एमपिफोर, सियारमेनफोर आरो गुबुन थान्दैफोरखौबो निखावरि, सुबुंफोरखौ मदत खालामनो बुंनय जादों, बिसोरनि अन्जिमाया लाख लाखब्लाबो साफ्रोमबो निखावरिनो मदत होनाय जागोन होनानै गिबि मन्थिया बुंदों।

## भारतआ एसियानि ब्रैथि गोहो गोरसिन हादत



गोदान दिल्ली, 20 अक्टूबर: भारतआ ब्रैथि बयनिखुडुबो गोहो गोरसिन

हादर, जाय एसिया-प्रशान्त ओन्सोलआव गोहोम खोख्लैनो हानायनिबो गोहो दं। सिडनीआव थानाय लबी इनस्टिटुट 2020 नि एसिया पावार इन्डेक्सआव दर 26 हादरफोर आरो ओन्सोलफोरनि फारिलाइखौ फोसावबाय। बे फारिलाइयाव बयनिखुडुबो सिगांसिमाव आमेरिकाया दं, नाथाय बेयो गावनि गोरबखौ खोमालांगसिनो। नैथियाव दं चीन। नायबिजिरनायनि गाहाय आरो लबीनि एसिया पावार एन्ड डिप्लोमैसि प्रग्रामनि बिथोनगिरि हार्थे लेमाहियुनि बादिब्ला, आमेरिकानि दावखलायनायनि जाहोनआ कभिड-19 इनफेक्सनखौ सामलायनायाव जाफुसारे, माखासे फालांगिन दावराव-दावसि आरो आमेरिकानि हादरगिरि डनाल्ड ट्रम्पनि माखासे रादाय खानाय आरो गुबुन गुबुन फसंथानफोरा हेफाजाब होयै। चीनआ फारिये थामथि बोसोर नैथियावबो

थादों। करना इनफेक्सननि गोहोमनि सोमोन्दै खौरां होयाखै आरो दोनखोमानायनि दाय जाबसिनजानानै बेनि सोलोयारि खान्थिआ दावखलायदोंब्लाबो चीनआ नैथियावबो थादों। लेमाहियुआ बुंदोंदि, सोलिफु जौथायनि जोबथायाव चीनआ अ। मं रिक। नि खु, इ आवगायसिन्नो हागौ। जापाननि उनाव ब्रैथि बयनिखुडुबो गोहो गोरसिन हादरआ जादों भारत। भारतआव बे बोसोरआव रांखान्थि गोहोखौ बांहोदों आरो सांथ्रिनि गोहोखौबो बांहोदों। भारतआ बांसिनै रैखाथि नेटवर्कनि सायाव खामानि मावदों। रैखाथि नेटवर्कनि बिथिडव भारतआ चीननिखुडु साबसिन। अदेबानि बे बोसोरआव भारतनि रांखान्थि सोमोन्दोफोरजों लोगोसे सोलोयारि खान्थि आरो हारिमुवारि गोहोमआबो बाडइ जादों।

## बोसोराव सा 1,600 जवानफोरा दावहा नाडलासेनो जिउ गोमानाडो

गोदान दिल्ली, 20 अक्टूबर : सेप्टेम्बरनि दानाव हार्ट एटेकजों लेफ्टिनेन्ट कर्नेल आरो कर्नेल रेंकनि खमैब्लाबो सा 6 सान्थियारि बिबानगिरिफोर थैयो। बे गासै बिबानगिरिफोरा 40-45 बोसोर बैसोनिमोन। थांनय माखासे बोसोरनि गेजेराव हादतनि आलादा आलादा बाहगोफोरनिफ्राय बेबायदि जाय खौरांफोराव नुजाथिदों, बेनिफ्राय मिबथिनो मोनोदि भारतीयारि सान्थ्रिफोरनाव जिउनि गुन एबा क्वालिटी अफ लाइफआ बारा मोजां नडा। माब्लाबा माब्लाबाथ' बे क्वालिटीखौ जोबोद खम महरै नुनो मोनाय जायो। जायनि जाहोनाव सान्थ्रिफोर दावराव-दावसि आरो निगेटिभिडिनि मैहुर जानांगसिनो दड। मोनसे रिपर्टनि बाइदिब्ला, भारतआ बोसोरफ्रोमबो गासै सा 1,600 जवानफोरखौ दावहानि अनगायै गुबुननि जाहोनाव खोमानांभोगासिनो दड। सान्थ्रि हान्जानि जिउआव दावराव-दावसिया जेब्लाबो थाखायो, नाथाय सिगाडव बेबायदि एसेबां गिदिर आयदाआ माब्लाबाबो जाफेराखैमोन। सान्थ्रिफोरनाव दावराव-दावसिनि जेबो नेगेटिभ गोहोम गोलैया, बेनि थाखाय जेब्लाबो थि बिबानि रैखाथियाव थायो। नाथाय आथिखालाव थासारिखौ सोलायनाय नुनो मोनाय जादों। टेक्नलजिखौ बाहायनायनि जाहोनाव फिजिकेल आरो मेन्टल मोनैबो लेभेलनि सायाव नेगेटिभे गोहोम खोख्लैयो। बेनि गेजेरजों कनस्टेन्ट चेकर्स एबा जाय बेखौ रेगुलारे बाहायो बिसोरनि सायाव बेनि गोहोमा बांसिनै गोलैयो। मानोना गासै 40 जौखोन्दो अफिसारफोरा गनायोदि, बिसोर गावसोरनि फन एबा टेबलेटजों जेब्लाबो सरजाबनानै थायो। स्टडीनि बायदिल्ला 70 जौखोन्दोआ बुडोदि, बिसोरनाव जेबो रोखोमनि गोरोन्थि थानो नाड। मानोना बिसोर जेब्लाबो सैथोयै थांनगौ आरो सैथो थांखि लानांगौ जायो, बेनो बिसोरनि बिबान। बे रिस्वर्चनिफ्राय रोखा दि वर्क-लाइफखौ गाहामै सामलायलानाया एसेबां गोरलै बाना नडा। मानोना, टेक्नलजिनि गोहोमआ बिसोरनाव जेब्लाबो गोलैयो।

No. EAA/SIU/125/2020/57

### NOTICE-B

It for information of all the candidates, who have successfully submitted online application in the official website of DEE, Assam, i.e. [dee.assam.gov.in](http://dee.assam.gov.in) and received the acknowledgement against the Advertisement-B vide No. EAA/SIU/125/2020/43 dated 11/09/2020 for the post of Hindi Teacher of UP Schools, that they will be able to select the Districts by logging in to the website ([dee.assam.gov.in](http://dee.assam.gov.in)) from the Midnight of 2<sup>nd</sup>/10/2020 till the Midnight of 30/10/2020.

- The details of district-wise vacancy will be available on the website of DEE, Assam ([dee.assam.gov.in](http://dee.assam.gov.in))
- The candidates will be able to select 3 (three) districts against their post which will be of equal weightage.
- The candidates will not be allowed to make any changes after successful submission of their selection of Districts.
- No offline application will be accepted for any changes or correction in this regard.
- The office of the undersigned will not be responsible for any lapse on the part of the candidate in submission of options.
- The office of the undersigned will not be responsible for any technical issues such as network failure/ power outage etc. faced by the candidate at the time of submission of options.

Sd/-  
Director,  
Elementary Education, Assam  
Kahilipara, Guwahati -19

JANASANYOG/D/6045/20



অসম লোকসেবা আয়োগ  
ASSAM PUBLIC SERVICE COMMISSION

No.: 175PSC/DR-6/11/2019-20

### NOTIFICATION

It is for Information to all concerned that the Assam Public Service Commission will hold Screening Test (OMR Based) on 15 - 11 - 2020 (Sunday) for the post of Assistant Engineer (Civil) under Public Works Department, Assam at the following venues as per programme given below. Advt. No.: 06/2019, dated: 19-11-2019.

Sl. No.	Date and Time of Screening Test (OMR Based)	Name of Venues	Total Candidates
1	15-11-2020 (Sunday) Civil Engineering- 10:00 AM to 12:00 Noon & General Studies - 1:30 PM to 3:30 PM	Bengali High School, Paltan Bazaar, Near ASTC Office, Guwahati-8	250
2		Ulubari H.S School, Near Bora Service, Ulubari, Guwahati-7	250
3		S.B Deorah College, Ulubari, Near Bora Service, Guwahati-7	400
4		Angelika H.S School, Bhangagarh, Guwahati-5	300
5		Dispur College, Ganeshguri, Guwahati-6	450
6		Dispur Govt. H.S School, Supermarket, Guwahati-6	250
7		Karmashree Hiteswar Saikia Junior College, Sixmile, Guwahati-22	250
8		Shankardev Vidya Niketan, Vishnu Path, Zoo Road, Guwahati-24	240
9		ASEB High School, Forest Gate, Near ASEB Office, Guwahati-26	200
10		Shankardev Vidya Niketan, Narengi (Birkuchi), Guwahati-26	200
11		Narengi High School, Narengi, Guwahati-26	300
12		Narangi Anchalik Mahavidyalaya, VIP Road, Narengi, Guwahati-781171	400
13		Satgaon High School, Near Army Gate, Satgaon, Guwahati-781171	250
14		Beltola High School, Beltola Bazaar, Guwahati-28	250
15		APSC Office Building, Jawaharnagar, Khanapara, Guwahati-22	308
<b>Total</b>			<b>4298</b>

No intimation letter to the eligible candidates shall be sent separately by post. The intimation letters shall be uploaded on 07-11-2020 in the APSC's website ([www.ansc.nic.in](http://www.ansc.nic.in)). The candidates shall have to download their own intimation letter from the aforesaid website. Queries in this regard shall be entertained over telephone No.0361-2365426 during office hours w.e.f. 09-11-2020.

Sd/-  
Joint Secretary,  
Assam Public Service Commission  
Jawaharnagar, Khanapara, Guwahati-22

JANASANYOG/D/6038/20



# बे जीनीमाव

सानबायमोन गोसोआ आंनि  
नों रजेखौनो जुलि लानो ।  
नों रजेजोंनो आंनि  
जिउनि दिडाखौ जावगारलांनो  
सानाखिसैमोन बे जोनोमाव  
गुबुन अनजाली नाइगिरनो ।  
नों रजेखौनो आंनि गोर्बोया  
अराय समनि थाखाय बोजबबायमोन ।  
नाथाय बियो आंनि गोसोनि कलप'नासोमोन ।  
मोकथाडव आं बै रजेजों  
गोबां बोसोर मोजां मोनलाय बोदों  
गोसो थोलाय बोदों ।  
मेगनजों मेगन गोसोजों गोसो ।  
सानफ्रोमबो नुलायोमोन ब्लाबो  
सानफ्रोमबो रायज्जायोमोन ब्लाबो  
खुगायाव सानैजों गैलायामोन  
मोजां मोनलायनि गोसो थोनायनि राव ।  
आंदि बै रजेखौ बेसेबांदि  
गोसो गोथारै मोजां मोनबोदों  
गोसो थोबोदोंमोन  
नाथाय बेखौ रावबो मोनथिया ।  
गसाइनाव आरज गाबोमोन आं  
नोंनि आंनि मोजां मोनलायनाया  
गोसो थोलायनाया ।  
अराय सम गोसो सिडव थाबाय थथों ।  
नाथाय मा खालामनो ?  
सुबुनि सामफ्रोमबोनि सान्नाय  
बायदि गासैबो सोलि जोबा ।  
बावआ नड बावगार नांबाय  
आं बे जोनोमाव नों रजेखौ ।  
गोसो सिंजों मोजां मोन्या  
गोसो थोनाया गोसो सिडवनो थाफिनबाय निजोमै ।  
जीउआव नों रजेआ थार लामाजों  
दावबाय लांनो हाथों ।

कनौज कार्जी

गसाइगाव

जिल्ला- कक्राझार ( बि.टि.आर. )

मिस रैरुप बसुमत्तारि

इउ.एन. एकाडेमि

जिल्ला-कक्राझार

# उदांस्रिया बयनिबो

समान मोनथायनि समान उदांस्रि  
दंबयहाबो बुहुमाव जोनोमो मोन्ना  
रावबो खमसिन बांसिन नड,  
जों बयबो रोखोमसेयैनो  
मानसि माहारिसो ।  
जोंखौ गोरा दौलेंजों  
रावबो खाबथानानै लाखिआखै  
गोनांथि गैया गावजोंगाव  
दावराव दावसि, एना-एनि जानायनि ।  
दानि बे बुब्लियाव  
बिदिन्थाया जोंनो दिन्थिआखै,  
दरजा खोरखि गैयै न'आव  
एरसोनानै थाबाय थानो ।  
जोनोमखौ लादों जेब्ला-  
मानसि माहारिनि महरैनो  
मावनांगौ हाबाफोर दं जोंहा जिउजोबजासिमाव,  
साग्लोबनानै दं मानसि माहारिजों  
मावजानांगौ बुहुमाव गोबां हाबाफोर ।  
गुलाय-गुजाय खामानिखौ  
स्र' थख-थख खालामलांगोन,  
गोबां हारि-हारिसाफोरनि गेजेराव  
गोरोब लायनानै जों खौसेयै थालांगोन-  
गंसे मम बाथिनि सोरांखौ जों  
बर' माहारियावबो लगायनांगोन  
बिर ग्लांगोन जोंबो उदां दावफोरबायदि  
नाथाय, फानजारि सिडव नड ।  
गादबनानै दा दोन जोंखौ  
जोंबो गाम्बारि सिख्ला, बिरगोस्रि सिख्ला  
डिसु सिख्ला मोनबादि बिमा माहारिनि ।

# रंजालि गथ' फोरनि सौरा

## फैमाल मिजिंक

## हादर बिमा

सुजुदोंमोन आं मोजां  
मोनलायनायनि सुखुजों  
बाइदि गाबनि दोंसे,  
समायना बिबारनि माला  
नाथाय फैमाल....  
आखायावसो ल'हराय लांबाय  
आंनि बे समायना  
बिबारनि मालाया ।  
सानदोंमोन आं बै बारसेल'  
ग'लाप बिबाराव सिखिरि  
जानानै बिबार बिदै जोबनो  
नाथाय; फैमाल  
आंनि मिजिंक ।  
मेगन गोसा बारहुंखाया  
बुखारनानै लांबाय गुवार  
बाला हामानि गेजेराव  
माब्लाबाबो हायाखिसै  
फैफिनो गिदिनानै ।  
आन्दाय नांबाय आं बै  
बिबारनि बागान  
दैबाय लांबाय आंखौ  
गुबुन मोनसे बिबार  
बागानाव ।  
थाबाय बोल' आंनाव  
सुख' हायै हाजासे दाला  
फैफिन नांबाय आं  
लानानै फैमाल मिजिंक ।

ऐ! अनसुलि हादर बिमा  
दड; नामा नोंनाव, मानिबा मुहिमा  
गोर्बो गाबजासे हखाव हखाव  
उखैहाब गांहाब देहा लानानै,  
उन्दुनाय गैया, जिरायनाय गैया;  
मानसि माहारि जीब जुनार ।  
मा जाबायदों नों  
ऐ! अनसुलि हादर बिमा,  
बुहुम खान्थि संसारनि  
जोनोम, जुलि, थैनाय,  
बिफां-लाइफां जिब-जुनार  
लानानै बुहुम बिखायाव  
मानि दाहार सुख'दों ।  
ऐ! अनसुलि हादर बिमा,  
गाबनाय दड मिनिनाय दड  
सुखु-दुखु लाना नों अराय ।  
गोजोन अखांनि पुर्णिमा हर  
खोमसि हर दान खोमसि  
जेब्लायबो जौलाय गोमोरलाय  
रिथि रिथा हाथरखिफोर ।  
दाहा दड नोंनाव बुहुम गावजासे  
बांघि, सार अन्थाय, बारहुंखा,  
बानानि बुसोम लानाय  
गोर्बो बिखा गेजेर गेजेर ।  
ऐ! अनसुलि हादर बिमा,  
गोजोन संसार बुहुम बिखांनि  
सुबुनि लोगोसे माया फाख'न,  
गेलेदों नों अराय ।  
जोनोम, जुलि, थैनाय  
खान्थि बुहुम बिखांनि  
थाबायथा नों अराय, दागावमालां  
हारि धोराम गोजोन संसार  
सिबिगोन नोंखौ गोजोन अराय ।

मुस्रि सुबिलाल दैमारि  
गामि - दावराय बारी  
ला:सो: - झारबिस फानि  
जिला - चिरां

मुस्रि उतजल कुमार ब्रह्म  
गामि + ला: सो: कमलसिं  
जोधोनगिरि- लिखिराम ब्रह्म  
जिल्ला - कक्राझार, बि टि आर


# भारतनि बेफोर थावनिफोरा दावबायनायेनि थाखाय मोजां

गोदान दिल्ली, 20 अक्ट'बर : भारतआव दावबायनायनि आरो  
एडभेन्सर खालामनायनि थाखाय गोबां जायगाफोर दं :-

(1) श्रीनगरनिफ्राय 57 कि:मि: गोजानयाव थानाय भारत-  
पाकिस्तान सिमनानि खाथियाव दं गुलमार्गआ । जायनि ओंथिया  
जादों बिबारनि बागान । हादत आरो गुबुन हादतनिफ्राय



बोसोरफ्रामबो रोजा रोजा दावबायारिफोरा बरफ आरो बिबार बारिजों  
बुंफबना थानाय हाजोखौ नायनो फैयो । ट्रेकिं खालामनो थाखाय  
बेवहाय जुन दानयाव दावबाय हैनांगौ । मानोना बे समाव बेवहायनि  
बरफआ लाथा खानानै थायो । बिलो, हाजोनि अनगायै बेवहायनि  
खिलनमार्गआ दावबायारिफोरनि गोसोखौ बोनो हानाय मिरु ।  
बेवहाय मुलुगानि बयनिखुइबो जौसिन गल्फ कर्स दं ।



(2) भारतनि सा-सान्जायाव थानाय शिल'या जेब्लाबो  
दावबायारिफोरनि थाखाय फेभारेट डेस्टिनेसन जादों । बेखौ भारतनि  
सान्जा स्कटलेन्डबो बुंनय जायो । हाजो सायाव थानाय फिसा  
आरो समायना सहरया सिगाडव आसामनि राजथावनिमोन । अखा  
हानाय बोथोराव बेवहाय मोजां अखा हायोब्ला गासै सहरखौ

समायना आरो जोंखोल नुयो । बेजों शिल'नि दै बाजुमयाबो  
सोमजिखडाडो । शिल' पीक, वार्डस बिलो, मीठा झरना,  
चेरापुन्जि, उमियामआ दावबायनायनि थाखाय मोजां  
जायगा । बेफोर जायगायाव दावबाय है ब्ला बुहुमनि  
सोर्गोपुरियाव दावबायनायखौ मोन्दांथिगोन । मार्चनिफ्राय  
जुन दासिम बेवहाय दावबाय है नो हागोन ।



(3) जधपुरआ राजस्ताननि बयनिखुइबो देरसिन ट्रेभल प्लेस ।  
बेखौ सान सिटिबो बुंनय जायो । बेवहाय राजपुतफोरनि मेहेलजों  
लोगोसेनो बालाहामारखौबो नुनो मोनो । जधपुरखौ 'थर के प्रवेश  
द्वार'नि महरैबो मनिथिनो मोन्नाय जायो । मानोना बे सहरआ थर  
रेगिस्ताननि सिमा खाथियाव दं । बे सहरखौ 1459 माइथायाव



राटौड नख'रनि राव जथानि गेजेरजों गावसननाय जादोंमोन ।  
मेहरानगडु खरंआ जधपुरनि बयबो सुबुंफोरजों मोजां  
मोनजानाय खरंनि गेजेराव मोनसे । बे खरंया मतीमहल, फुल  
महल, शीशा महल आरो झांकी महलनि थाखाय मुंदांखा । बे  
खरंयाव जिय लाइनि एडभेन्सरबो खालामनो हागोन । बेवहाय  
उट आरो मैदेरयाव गाखोनानैबो दावबायनो हायो ।

(4) औलीआ समायना जायगा आरो स्कीइनि थाखाय मुलुगनाडै  
मुंदांखा । लैथो बिखुंनिफ्राय 2800 मि:नि गोजौयाव थानाय बे  
जायगाया स्नफल आरो गुदु हाग्रा बारिनि थाखायबो मुंदांखा ।  
औलीनि जारिमिनया गोबां गोजाम । माखसे ग्रन्थयाव मख'नाय  
दंदि 8 थि जौथायावबो सुबुंफोरा बेवहाय दावबाय फैयोमोन । औलीयाव



नेसुरेल लेक, नन्दप्रयाग स्कीइं, त्रिशुल पर्वत, बुग्याल, भविष्य बद्दी,  
ट्रेकिं आरो सैलघर तपबन बादि समायना जायगाफोराव दावबायनो हागोन ।  
बेनि अनगायै बेवहाय गुसु बोथोराव स्कीइंबो खालामनो हागोन ।



(5) आन्दामानआ भारतनि बयनिखुइबो देरसिन इउनियन  
टेरेटरि, जाय भारतनि खोला आरो सोनाब बंगप लैथो  
गेजेराव दं । 8000 बर्ग कि:मि: गोसारना थानाय बे द्वीपआ  
नेसुरेल बिउटि थानायनि जाहोनाव दावबायारिफोरा  
बेवहाय दावबाय फैयो । बेवहाय ग्रेट निकबर आरो पर्ट  
ब्ले यारयाव दावबायनो हागोन । स्कुवा डाइभिनि थाखायबो  
बे जायगाआ मोजां, जेराव दैनि गाहायाव थानाय जिब  
आरो गुबुन रोखोमनि बिफां-लाइफांखौ नुनो मोनो ।

# बिग्रायारी

जों बिग्रायारी  
जों सुथुर एनस्रांगिरि;  
सोमखे बिमानि मोखांखौ  
खालायगोन जौलाउआरी ।  
बे मुलुगाव सोरबा  
मावोब्ला हारिनि गोरोन्थि,  
सहायनो हाया जों  
मानोबा गात्रि खान्थि ।  
फावसाया जों,  
सुथुरनि आखायनिफ्राय,  
होखार हरगोन जों  
उदाखारी हानजाखौ बेनिफ्राय ।  
थै ? बड'लेण्ड सोरजिग्राफोर,  
गैलिया उन्दुना थानाय सम,  
दा समफैबाय  
जांखिखांनयनि सम ।  
दडब्ला सोरबा  
उन्दु गादुरा;  
हानाय नड खालामनो  
अनसुलि बिमानि मुंदांखा ।  
जों मेंनो रोड,  
जों जिराया,  
जोंब्लावनाय अरा खामखागोन,  
मोनथायनि गोजोन ग्रीत मोनथोरा  
जेब्लाबो मुलुगाव देरहासारगोन ।  
बड'लेण्डजों सोरजि लांधार गोन ।

मुस्रि फैलाउ कछारी  
ला:सो: - गेरुवापारा  
जिला - नलबारी  
बैसो - 14 ( जिब्रै ) ।



### बिटिआरनिफ़्राय ट्राइबेल बेल्ट आरो ब्लकनि गामिफोरा दानख 'जानायनि बाश्रा गैया: जयन्त बसुमतारि

आफादनि बान्जानयाव बिटिआर गोरोबथानि ३.१ नि दफा बायदिये बिटिआरनि सिमना बारयनाय आरो दानख 'नायनि सायाव खामानि मावनो दानानै होजानाय कमिसननि सायाव मोनसे सावरयमेल खुंनाय जादोंमोन । बे मेलआव गाहाय आलासि महूरै बाहागो लायो कमिसननि सोद्रोमा आरो एबसुनि लेङइ आफादगिरि जयन्त बसुमतारिया । बे हाबाफारियाव बाहागो लाफैनाय लेखायैनो बड'सा खौरंगिरिनि सिगाङव बिथां जयन्त बसुमतारिया फोरमायनाय बायदिव्ला बिटिआरनिफ़्राय ट्राइबेल बेल्ट एन्ड ब्लकनि गामिफोरखौ दानख 'नायनि बाश्रा गैया । बिथाङ बुडोदि, रवबो सुबुङनो बिटिआरनिफ़्राय आंखारनो गोसो गैया । बबेखानि गोबां सुबुंफोरगो बिटिआरआव हाबफानो गोसो जानायखौसो फोरमायदों । बिथाङ फोरमायबावनाय बायदिव्ला कमिसनआ दासिमआव दानानै होजादोंब्लाबो सिमना आयदाफोरनि सायाव मावखुलि महूरै खामानि मावनायखौ जागायाखै आरो खेबसेबो मेल जथुमनाय जायाखै । फैगौ २ नभम्बरवसो कमिसननि मोनसे सावरय मेल खुंनाय जागोन आरो बे सावरयनायनि गेजेरजों कमिसनआ खामानि मावनायखौ जागायगोन आरो बेनि सायाव मोनसे रड मेप खालामनानै लानाय जागोन । बिथाङ दाजबनानै बुंबावोदि, कमिसननो मोनथाम गाहाय खामानि होनाय जादों बेनि मोनसे खामानिया जाबाय बिटिआरनि सिमनाया सान्जा फारसे गहपुरसिम लावनगौ । गोबोथानि दफायाव लिस्खानाय बायदियै बे सिमना फोलावनायखौ रवबो होबथानो हाया । नाथाय माखासे सुबुंफोरगू रंखाय बांसावनानै गामि दानख 'नाय आरो दाजाबनायखौ लानानै रङजो-रजाफोरनि गेजेरव गुलु-गुजु थासारि सोमजिहोदों । गामि दानख 'नाय आरो सोसन्नाय बेलायाव कमिसनआसो रिफ्ट गथायनानै जोबथा थांखि लागोन बेखौ सोरबा सासे सुबुङ बुंनयनि गेजेरजों एबा बांसावनायनि गेजेरजों मावनो हाया होन्नानै जयन्त बसुमतारिया खौरंगिरिनि सिगाङव फोरमायथिबावो । दिनेिन बे गेवलां मेलआव दुलायव बर' फरायसा आफादनि गाहाय नेहाथारि लेरसे इस्त्तारि, १४ नं चिरां दुवार बियाबनि इउपिपिएलनि बिजाथि बि आरो फेरैंगा ( रन्जित बसुमतारि ) मोनहाबो बाहागो लादोंमोन । लोगोसे गोबां रङजो-रजाफोरनि बाहागो लाफैनायजों बे गेवलां मेलआ मेहेरगोनाडै खुंफुं जालाङे । ॥

### जेब्लासिम भेक्सिन फैया, अब्लासिम कभिडनि हेंथायै दावहाया सोलिबाय थागोनः मदि

लाखिनाय बे मोनैजों लोगोसे सोलियोब्ला जिउयाव गोजोन खुसिया सोलिबाय थागोन । बेनिखायनो मोनैे बाहाय आदोब सम-सम साबोनजों आखाय सुनाय आरो मास्कखौ गोनांथारे बाहायनायाव नोजोर लाखिनांगौ । गाहाय मन्थि मदिआ बुडोदि, गोलाव बोसोरनि उनाव जों बेबायदि थासारिखौ नुनो मोन्दोंदि, जेगव सुबुंथिखौ रेखा खालामनो थाखाय दावहा बायदि जुजिनायजों खामानि मावगासिनो दं । गोबां हादतफोर बेनि थाखाय खामानि मावगासिनो दं । बेबायदिनो जॉनि भारत हादतनि गोनोखोगिरिफोरबो भेक्सिनखौ दिहुन्नायाव नांथाबनानै नाजानायनि गेजेरजों जुजिगासिनो । भारतयाव दासिम कभिडनि माखासे भेक्सिन दिहुन्नाय खामानिया सोलिगासिनो दं । बेनि गेजेरव माखासेया आवगायनो हानानै जोबथा खोलोवयाव सहैदों । कभिडनि भेक्सिनआ जेब्लानो फेगोन, अब्लानो थाबै साफ्रोमबो भारतयारिफोरनिस्मि सहैहोनयनि थाखाय सरकार थियारि जादों । साफ्रा-खामा नोगोरारिफोरनिस्मि भेक्सिन सहैहोनाय आरो बेनि थाखाय गोखै थामानि मावनाया सोलिगासिनो दं होन्नानै गाहाय मन्थिआ गावनि बिबुंथियाव फोरमायदों । गावनि बेसेन गोसा बिबुंथियाव गाहाय मन्थिआ बुडोदि, जुदि नोंथाङ मास्क गानालासे बाइजोयाव आंखारदोंब्ला गाव-गावखौनो, नॉनि नख 'रनि उन्दैफोर, बैसोजानाय सुबुंफोरखौ खैफोदयाव खोरखैनो हागौ । बेनिखायनो गोसोयाव लाखिनाया गाहामदि, दिनेि आमेरिकायावनो जा, इरुपयावनो जा, मुलुगनि जेरावबो कभिडनि गोसारनाया एसे खमायगासिनो दं । नाथाय हरखाब कभिडया सुबुंनि देहायाव बारयनो हमदों । जेब्लासिम जाफुंसारनायखौ मोनोे हाया, नेमखान्थिखौ मानियालासे बाइजोयाव आंखारनाङ होन्नानै फोसावो । गाहाय मन्थिआ बुडोदि, जेब्लासिम बे महामारिनि भेक्सिनआ फैया अब्लासिन कभिडनि हेंथायै दावहा बायदि जुजिनाया सोलिबाय थागोन । बे थासारियाव जॉनि गोहोगोर फाहामगिरि, नारसै, देहा मावफारिफोर एसेबां गिदिर भारत हादतयाव सुबुंफोरखौ हर-सान फाहामथाय होनायनि सिबिथयाया सोलिगासिनो दं होन्नानै रयखांना गाहाय मन्थिआ बुडोदि, बे थासारियाव जों साफ्रोमबो गावखौनो सांग्रंथिये आरो गुबुनखौ रेखाथि होनाया गोनांथार । गाहाय मन्थिआ बे बाश्राखौबो रयखांना बुडोदि, जों साफ्रोमबो बावगारनानै थानाङादि, लकडाउनआ मोजाडै बारलांबाय । नाथाय भाइरसाय दासिम जोबसंलाडाखै । थानाय ७-८ दानफोरव साफ्रोमबो भारतयारिफोरनि नाजानाय आरो खरथ सहायनायनि गेजेरजों भारतआ दिनेबो गोखों थासारियावनो दङा दिनेि हादतयाव कभिडनि हेंथाये जुजिनानै फाहामथाय लानायाव सुबुंफोरनि मोजां हालोदयाव फैनाया एबा रिक्भारि रेटआ मोजाङव दं । मुलुगनि गुबुन गुबुन हादतफोरजों रूजुनायाव भारतआ गावनि हादतनि सुबुंफोरखौ एबा नोगोरारिफोरखौ जिउ रेखाथि खालामनायाव जाफुंसारदों । कभिङ-१९ नि हेंथायै दावहा बायदि जुजिनायाव टेस्ट खालामनायनि गोबां अन्जिमा बारयनाया जॉनि मोनसे गोखोंथिखौ दिन्थिनो हादों होन्नानै बुङे । गावनि बेसेन गोसा बिबुंथियाव गाहाय मन्थिआ बुंबावोदि, कभिडनि हेंथायै जुजिनायाव जनता कार्किउनिफ़्राय लानानै दिनेिसिम जों भारतयारिफोर गोबां गोलाव समखौ बारहोहरखाय । समजों लोगोसे रंखान्थि बिथिङवबो गोखै बारयदों । जॉनि गेजेरव साफ्रोमबो बिबान लानानै सोलिलाङेब्ला फिन जिउनि सोलिनाय बिथिङव गोखों खालामनो हाफिनगोन आरो हादतनि रंखान्थि हालोदआबो सिगांनि बायदि गोखों जागोन होन्नानै मिजिंथिखौ भारतयारिफोरनिस्मि फोरमायथि हरो । मख 'नो गोनांदि, थानाय १९ मार्चखालि करनानि साग्लोबसारनायखौ नोजोर होनानै गाहाय मन्थि मदिआ गिबि हादतयारिफोरजों बिबुंथि लाखिनानै जनता कार्किउखौ फालिनो फोसावनायनि उनाव हादतया सानसेनि थाखाय लकडाउन फोसावनाय जादोंमोन । २४ मार्चखालि गाहाय मन्थिआ करना भाइरसनि जाहोनाव हादतयाव गिबि लकडाउनखौ फोसावदोंमोन । जेरव गिबियै २१ साननि थाखाय लकडाउनखौ फोसावो । बेनि उनाव ३ एप्रिलखालि करनानि गिथावनायै गोसारनाय थासारिनि गेजेरव गाहाय मन्थिआ गोखो ३ थि हादतयारिफोरजों बिबुंथि लाखिनानै करनानि दावहारुफोरखौ मान होनो फोसावो । बेनि उनावनो हरनि ९ रिगायाव ९ मिनिट सप्मसिम न 'नि लाइट बन्द ' खालामनानै साखि सावनो फोसावो । १४ एप्रिलखालि ४ थि हादतयारिफोरजों बाश्रा बुंथिनायाव गाहाय मन्थि मदिआ लकडाउन २ खौ फोसावो । जेरव ३ मेसिम बे लकडाउनआ सोलिदोंमोन । १२ मे अक्टूखालि कभिडनि गिथावनायै गोसारनाय थासारिनि गेजेरव हादतयाव रंखान्थि गोर्लैसोनायखौ नोजोर होनानै मिरु सरकार २० लाख कौटि रॉनि आत्म निर्भर भारत रंखान्थि प्केजखौ फोसावनाय जायो । बेनि उनाव ३० जुनूखालि गाहाय मन्थि नरेद्र मदिआ जोबथा जुन दानआव हादतनि सुबुंफोरजो मोगा-मोगि बाश्रा बिबुंथिखौ लाखिनानै हादतनि साफ्रोमबो नोगोरारिफोरखौ कभिडनि हेंथाये साफ्रां जानो फोसावो आरो जुनू दाननि उनावनो हादतनि गेजेरव लकडाउननि खोन्दो-खोन्दो फोसावनाय हाबाफारिया जागायजेन्नायजों गासै सुबुंफोरखौ फोसावनाय लकडाउननि नेमखान्थिखौ मानिनानै सौलिनो एबा फालिनो थाखाय गाहाय मन्थिआ फोसावदों । ॥

### गोदान उफ़्रा चिफ सेक्रेटारिखौ गिबि मन्थिआ बरायदों

हाबाफारि बायदियै मान होना बिदाय होनायनि अनगायैबो गोदानै थिसनजानाय गिबि मन्थिनि उफ़्रा चिफ सेक्रेटारि पवन कुमार बरठाकुरखौ बरायदों । मान होनानै बिदाय होनाय बिबुंथियाव गिबि मन्थि सनवालआ थानाय ४ खावसे बोसोर नाडै गिबि मन्थिनि चिफ सेक्रेटारि महूरै गोनांथार बिबान लानानै गिबि मन्थिनि सेक्रेटारियेटआव मोनसे गोम्गो सुबुं सिबिथाय होनायनि फारसे सन्जय लहियाआ जरखा बिफाव लाबोदोंमोन होन्नानै बुङे । आथिखालनि रङज्यो सरकारनि निति आरो आदर्शखौ सिगां फारसे लाना‍यनि बिथिङवबो सन्जय लहियाआ गोनांथार बिफाव लाबोदों होन्नानै गिबि मन्थिआ गावनि बिबुंथियाव रयखाङे । गिबि मन्थिनि सेक्रेटारियेटनि बिबानगिरि-कर्मसारिफोरखौ मोनसे नख 'रनि बाहागो होन्नानै रयखांना गिबि मन्थिआ बे नख 'रनि गेजेरव माव बिबान हारिमुखौ सिगां फारसे लानायाव आजिरा मोन्नाय चिफ सेक्रेटारिया जरखा बिबान लाबोदों होन्नानै गिबि मन्थिआ बुङे । लोगोसे गिबि मन्थिआ गोदानै थिसनजानाय गिबि मन्थिनि उफ़्रा चिफ सेक्रेटारि पवन कुमार बरठाकुरखौ बरायनानै बुङेदि, बिथानि दैदेन्नायाव गिबि मन्थिनि सेक्रेटारियेटआव माव बिबाननि हारिसुआ मोनसे गोदान आवहावा सोरंजिनो हागोन होन्ना मिजिंथियो । दिनेिन बे बिदाय होनाय हाबाफारियाव गिबि मन्थिनि आजिरा मोन्नाय चिफ सेक्रेटारि सन्जय लहियाआ बिबुंथि लाखिनायनि अनगायैबो फालांगि बिफाननि मन्थि चन्द्रमहन पाटवारि, गिबि मन्थिनि मिडिया बोसोनगिरि ऋषिकेप गर्स्वामि, गिबि मन्थिनि आइन बोसोनगिरि सन्तानु बरालि, गोदानै थिसनजानाय गिबि मन्थिनि उफ़्रा चिफ सेक्रेटारि पवन कुमार बरठाकुर आरो गिबि मन्थिनि जरखा सामलायगिरि रन्जन सक्रबर्तीयाबो बिबुंथि लाखियो । ॥

### एबिएमसुआ लाफिकुल बुथारनाय जाथायनि बिजिरनाय नागिरनानै धर्ना होदों

पार्कआव कक्राझार जिल्ला आफाद आरो मिरु एबिएमसुनि हेफाजाबाव फुनि ९ रिगानिफ़्राय बेलासि १ रिंगासिम एबिएमसुआ सोमावसारनाय जायो । लाफिकुल इस्त्तारनि बुथारनाय जाथायनि सायाव गेबें बिजिरनाय होनांगौनि दाबिजों एबिएमसुनि गोबां मावफारियाफोरा प्ले कार्ड, बेनारफोर लानानै सोमावसरो । लोगोसे बे सोमावसारनायनि गेजेरजों एबिएमसुआ सिबिआइ संदानांगौनि दाबि खालामनानै जिल्ला खुंगिरिनि गेजेरजों आसामनि गिबि मन्थिनिस्मि गांसे गोसोखांलाइखौ दैथायहरो । ॥

### सालबारि इउपिपिएल मावफारिया आफादनि मेलआव रोनगोरा नार्जाँरि

आरो दादागिरिनि हेंथायै रङजो-रजाफोरा बिटिआरनि मोन ४० बियाबनि साफ्रोमबो इउपिपिएल दोलोनि बिजाथिखौ देरहाहोनानै इउपिपिएलखौ सरकार खुंहोनो थाखाय साखा-फारा जादों । ’’ बे बाश्राखौ बुंदों इउपिपिएल दोलोनि मिरु लेङइ आफादगिरि रोनगोरा नार्जाँरिया । दिनेि सालबारि बियाबनि सालबारियाव थनाय इउपिपिएल दोलोनि मावख 'याव खुंनाय मोनसे दोलोनि मावफारिया मेलआव बाहागो लानानै बे बाश्राफोरखौ बुंथियो । मुघ़ि नार्जाँरिया गावनि बिबुंथियाव सालबारि बियाबनि इउपिपिएल दोलोनि ब्लक, प्राइमारि, बुट, लाइमोन, आइजो, एससि, माइन'रिटी सेलनि दैदेनगिरि, दोलोनि मावफारिफोरजों गोनांथारे जथुमनाय मेलआव गुबुन गुबुन खान्थि आरो बिथोनफोरखौ बुंथिनानै होयो । मख 'नो गोनांदि, मावफारि मेलआव सालबारि बियाबनि गुबुन गुबुन सेलनिफ़्राय खमैबो १,००० निबो बांसिन दैदेनगिरि, मावफारियाफोर बाहागो लायो । इउपिपिएल दोलोनि लाइमोन दालाइन सालबारि जिल्ला आफादनि आफादगिरि सत्यजित बर'आ जागायजेन्नाय मावफारि मेलआव इउपिपिएल दोलोनि सालबारि बियाबनि बिजाथि बिन्द मुसाहारि, मिरु दैदेनगिरिफोर फारियै माधव सेत्रि, रबि डेका, मजिब आलि आहमेद, कनक चन्द्र बर', सदगार बादसा, हेलेना स्वरायारि, जह्रु कालुन, सिलारइ बसुमतारिजों लोगोसे माखासे गोजौ थाखोनि दैदेनगिरिफोरबो बाहागो लायो । मख 'नो गोनांदि, दिनेि मथनगुरि बियाबनि गबर्धनायाव खुंनाय गुबुन मोनसे इउपिपिएल दोलोनि मावफारि मेलआवबो बाहागो लानानै बिथाङ बिबुंथि लाखिदों ॥

### माइनाव बरायनाय फोर्बोजों लोगोसे बारग ' फोरेंगिरि दधि महन बर 'खौ बिदाय होदों

जोबोद गोर्लैसोनाय आरो उन जानानै थानाय गामियारि ओन्सोल । मानोना बे गामिया ठेकियाजुलि नोगोरनिफ़्राय १८ कि:मि:गोजानाव उनफिन्नानै थानाय दरसे गामि । बारग ' फोरेंगिरि बिथां दधि महन बर'आ बै समनि सोनाब ठेकियाजुलि गुदि बर' थुनलाइ आफादनि नेहाथारि बिबान लानानै गोबां हाबाफारियाव मैखोम बाहागो लानायजों लोगोसे माजरौमारि ओन्सोलाव बर' बिजोंनि फरायसालि गाइसनजेन्दोंमोन । नाथाय दा ठेकियाजुलि गुदि बर' थुनलाइ आफादजों सररजबजाबाय । बे बर' बिजोंजों गाइसन जाबोनाय फरायसालियाव फरायबोनानैनो आथिखालाव सा ८ फोरेंगिरि, सा ३ आर्मी आरो सा ५ गुबुन गुबुन बिफानआव साखि मावबोनानै ओन्सोलखौ जौगाखां लामायाव दिन्थिबोनो हादों । बिथानि नाजानायावनो दिनेि माजरौमारि ओन्सोला जौगानो हाबोदों होन्ना ओन्सोलनि मेलेमजिबि सुबुंफोरा फोरमायदों । मख 'नाय जायोदि, बिथां दधि महन बर'आ सोलिफु बोसोर २०२० नि थानांय ३१ मार्च दानाव बर' बिजों फरायसालिनि फोरेंगिरि साखिनफ़्राय आजिरा लादोंमोन ॥

### मिरुनि नख 'र मन्थिआ कंग्रेस दोलोखौ १९६२ नि दावहानि सायाव गोसोखांहोदों

हान्जाखौ गोसोखांहोदों । अमित शाहआ बुडोदि, १९६२ माइथाइनि दावहायाव चीननि हेंथायै कंग्रेस दोलोआ गोखों गोहो दिन्थिनायनि गोनांथारमोन । नाथाय चीनआ भारतनि माखासे ओन्सोलफोरखौ दखल खालामो । आथिखालनि गाहाय मन्थि मदिनि दैदेन्नाय सरकारनि गोखों बिफाव लानायनि थाखायनो दिनेि चीनआ भारतनि हाखौ आवगायनो गोहो मोनाखै । नख 'र मन्थिआ बुंबावोदि, बै समनि दावहायाव १५ मिनटनि फर्मुलाखौ बाहायनांगौमोन । बै समाव गाहाय मन्थिआ आसामखौ अरायसमनि थाखाय बिदाय होनानै गात्तांदोंमोन होन्नानैबो बुङे शाहआ । राहुलनि दोलो कंग्रेसआ गोनां बिबान लानायनि सोलाय चीननिफ़्राय हाफोरखौ माबोरे उदां खालामनो हायो, भारत-चीन दावहानि समाव हादतनि गोखों गोहोखौ दिन्थिनाया गोनांथारमोन । रयखांनो गोनांदि, दासान्दि आबाद आइननि हेंथायै हारियाणायाव मोनसे रेली खुंनाय समाव राहुल गान्धोआ गाहाय मन्थि नरेन्द्र मदिनि सायाव बिबुंथिजों गोखोङै गारुलोबदोंमोन । राहुल गान्धोआ बुडोदि, जुदि कंग्रेसआ दिनेि खुंथायाव दङमोनब्ला चीननि सान्थिफोरखौ १५ मिनटियावनो होखारहरगौमोन । नख 'र मन्थिआ सिमना जेंनाखौ समाधान खालामनो थाखाय दासान्दि भारत आरो चीननि गोजौ सान्थि बिबानगिरि आरो राजथान्दैफोरनि गेजेराव सावरनायाया सोलिगासिनो दं होन्नानै बुङे । नाथाय नख 'र मन्थिआ बु डोदि, हादतआ गावनि हाखौ गुबुननो हगारना होनायाव जेब्लायबो गोरोबथा खालामा । नख 'र मन्थि शाहआ बुंबावोदि, नरेन्द्र मदि दैदेन्नाय मिरु सरकार भारतनि १ ईसि हाबो गुबुननो हगारना होनाय नङा । भारत सरकार दिनेि बेनि सायाव गोखों गसनानै दं होन्नानै शाहआ कं ग्रेसनि एमपि शशि तारुनि बिबुंथिजों अजद खालामनायनि सायावबो गोखों रवजों फिनजाथाय होफिन्दों ॥ ॥

### स्वागत एनजिअ फकिराग्रामआ अर खामजानाय गलादारफोरनो रंखान्थि मदत गथायनानै होदों

मोन्नाय कृष्ण चन्द्र नाथआ । बे हाबाफारियाव फकिराग्रामनि गोजौ फरायसालिमानि गोरगुं प्रबि़र सरकार, फकिराग्राम पुलिस थानानि बिबानगिरि अजय कुमार साह, फकिराग्राम बिपिएफ माइन 'रिटि सेलनि आफादगिरि अजय आलि खान, बेंगली फेडारेसननि दैदेनगिरि गपाल पयसजों लोगोसे माखासे दैदेनगिरिफोरबो बाहागो लादोंमोन । बे मेलनि थंथिखौ बेखेवदों स्वागत एनजिअनि नेहाथारि सन्जय सरकारआ । थंथि बेखेवनायनि उनाव एनजिअनि सोद्रोमाफोरनि हेफाजाबाव सा ५६ गलादारफोरनो ५ रोजा रंखान्थि मदतखौ होनाय जायो ॥ ॥

## ५ बिलाइ ( १ बिलाइनफ़्राय )

### लजिस्टिक्स पार्कआ आबुडै- जाफुंसारोब्ला २० लाख सुबुंफोरखौ थिसन्नो हागोनः नितिन गाडकारि

दोनथुमनाय, पार्किं आरो गुबुन बिथिङवबो सिबिथायनि मोनसे फसंथान हिसाबै खामानि मावगोन । बेनि लोब्बायै दिल्लीनिफ़्राय भिडिअ कनफ्रेंसनि गेजेरजों बिबुंथि लाखिनानै मिरुनि लामा रोगाथाय बिफाननि मन्थि नितिन गाडकारिया बुडोदि, बे बिथांखिया आबुडै-मोगथां महरव जाफुंसारोब्ला खमैबो २० लाख सुबुंफोरखौ थिसन्नयानि सोरंजिनो हागोन । ११७१ कौटि रं बाहायनानै मोनै खोलोबयाव मावफुंनो लानाय बे बिथांखिखौ फैगौ २०२३ माइथायनि गेजेरव आबुडै जाफुंसार होगोन होन्नानै मन्थिआ बुङे । बे बिथांखिखौ गोनांथारे मावफुंनयानि बिथिङव गिबि मन्थि सर्बानन्द सनवालनि बिफाव लानायखौ गोनांथारे रयखांना मिरुनि मन्थिआ बे बिथांखिया जाहाथे सुबुं सम्पद महूरै जाफुंसारनो हायो आरो थिखनाय समनि गेजेरवनो मावफुं जायो बेनि थाखाय गिबि मन्थि सनवालखौ माहारियारि राजा लामा जौगाखां बर्डनि खामानि-दामानिफोरनि सायाव दानफ्रोमबो नोजोर लाखिनानै सावरयनो थाखाय खावलायो । मिरुनि मन्थिआ बुडोदि, भारत सरकारनि लामा रोगाथाय बिफानआ रङज्योनि थाखाय खमैबो ८० रोजा कौटि रं बाहायनानै लामा आरो दालां लुफुंनाय बिथांखिखौ मावफुंनयानि रहा लादों । बेफोरनि गेजेरव ५ रोजा कौटि रं बाहायनानै लुफुंनो गोनां १९ कि:मि: गोलाव धुबुरी-पुलबारि दालांनि खामानिया फैगौ २-३ दाननि गेजेरवनो जागायजेनगोन । बेनि अनगायैबो गुवाहाटी-जगिघपा लामाखौ मोन ४ लेन्ड गोनां लामा महूरै खालामनाय जागोन । मिरुनि मन्थिआ बे माल्टि लजिस्टिक्स पार्कनि खाथियावनो मोनसे स्मार्ट सिटि लुफुंनयानि थाखाय रङज्यो सरकारखौ फोसावनानै बुङेदि, थानाय समफोरव मिरुनि लामा रोगाथाय बिफानआ बरक आरो बुर्लुबुथुर दैमानि गेजेरजों बांलादेशनि सत्तग्राम आरो मंला गाथोनसिम आसामनिफ़्राय मुवा-बेसादफोर रेगानायनि थासारिखौ नुनो मोन्दोंमोन । मन्थिआ बुङेदि, बुर्लुबुथुर एक्सप्रेस हाइवे लुफुंनयानि आयदायावबो मिरु सरकार सावरयगासिनो दं आरो थाबैनो माजुलि-निमातिघात फोनांजाब दालांनि लुफुंनयानि थाखाय बिथांखि लानायनि जोबथा गनायथिखौ होनाय जागोन । बेनि लोब्बायै मिरुनि मन्थिआ माल्टि मडेल लजिस्टिक्स पार्कनि साखाथियावनो मोनसे दारिमिन पार्म लुफुंनयानि थाखाय रङज्यो सरकारखौ फोसावदों । बेनि अनगायैबो बुर्लुबुथुर दैमायाव स्पाइस जेटनि हेफाजाबाव सि-प्लेन बिरहोनायनि रहा खालामनाय आरो दासान्दि सोलिबाय थानाय रिभार क्रुस सिबिथायखौ बांसिन आरो साबसिन सिबिथाय होनायनि रहा लानो फोसावनाय जायो । बे गाइसन्नाय हाबाफारियाव बिबुंथि लाखिनानै गिबि मन्थि सर्बानन्द सनवालआ दिनेनि सानखौ दुलाराइ आफां आसामनि थाखाय मोनसे गोसोखांजाथाव सान होन्नानै फोरमायो । गिबि मन्थिआ बुडोदि, उदांश्रीनि उनाव थंनाय समफोरव आफां आसामनि रङजो-रजाफोरा सरकारनि गेजेरजों जेबो रहायारि खाबुफोरखौ मोन्नो हायैनि अजद खालामबोदोंमोन । आफां आसामआव जेबो रयखांजाथावना दारिमिन फसंजायैनि थाखायनो जौगाखांनि फारसेनिफ़्राय गाहायाव थानांदों होन्नानै सरासन्खा सुबुंफोर जेंनाजों मोगा-मोगि जानानायखौ फोरमायबोदोंमोन । नाथाय थानाय २०१४ माइथायाव हादतनि मिरु खुंथायखौ आजावना लानायनिफ़्रायनो गाहाय मन्थि नरेन्द्र मदिआ सा-सान्जानि जौगानायखौ सिगांग्रो नोजोर होनायजों लोगोसे ओन्सोलनि मोनसे आलादा सिनायथिखौ हादतनि नोगोरारिफोरनि सिगाङव दोन्नानै जायनि थाखाय सा-सान्जा ओन्सोलाव दासान्दि गोखै जौगानाय खामानिफोर आवगायनो हानायाव जाफुंसारदों । गिबि मन्थि सनवालआ बुडोदि, गाहाइ मन्थि नरन्द्र मदिआ ट्रेन्समैसन थ्र' ट्रेन्सटैसन हाबाफारिनि गेजेरजों सा-सान्जानि हान्था मेला खालामनाय खोन्देखौ जौगाखां होनायनि फारसे जरखा बिबान लानायनि जाउनाव ओन्सोलखौ गोखै सोलायहोनो हादों । गिबि मन्थिआ बुडोदि, सा-सान्जानि जानो हाथावना आयदाफोरनि सायाव रहा लानायनि थाखाय गाहाय मन्थिआ साफ्रोमबो मिरुनि मन्थिफोरखौ सा-सान्जा रङज्योफोरव दावबायहैनानै बिथांखिफोर मावफुंनयानि सायाव सावरयना बिथोन होनाय बायदियै दासान्दि साफ्रोमबो मिरुनि मन्थिआ १५ साननि गेजेर-गेजेर सा-सान्जा ओन्सोलाव सौफेदों आरो बिसोरनि नोजोर लाखिनायावनो दिनेि सा-सान्जा ओन्सोलनि जौगानाया गोखै खारगासिनो दं । गिबि मन्थि सनवालआ बुडोदि, आसाम सरकारबो रङज्योनि जौगानायखौ गोदान आरो गोखै खालामनो थांखिजों २०१८ माइथायाव मोनसे मुलुगनां सावराय जथुम्माखौबो खुंदों । बे जथुम्मायाव गासै २४० आलादायै गोरोबलायनायजों सागान होलायनायाव गासै ७६ रोजा कौटि रॉनि फालांगिनि लामाया गेवलां जादें । गिबि मन्थिया बुंबावोदि, गाहाय मन्थि नरेन्द्र मदिनि गोनांथार नोजोर होनायाव दिनेि बङाइगाव थाव सोदांसालिनि दिहुन्थाय गोहोया २.५ एमएमर्टिन्फ़्राय ५ एमएमर्टिसिम बाययहोनायनि रहा लानाय जादों । बेनि अनगायैबो २३ रोजा कौटि रं बाहायनायजों आसामनि नुमलिंगर थाव सोदांसालिनि दिहुन्थाय गोहोया ३ एमएमर्टिन्फ़्राय ९ एमएमर्टिसिम बाययहैनायजों लोगोसे रङज्योनि औवा आबादजों लोब्बा थानाय आबादारिफोरखौ जरखाये खाबु होनायनि थांखिजों १५०० कौटि रं बाहायनानै नुमलिंगर थाव सोदांसालिनि लांगोनायावनो मोनसे बाय 'पुयेल प्लान्ट लुफुंनयानि रहा लानाय जादों । गिबि मन्थिआ बुडोदि, ब्रिटिसनि खुंथाय समाव दै लामाजों धुबुरिनि गाथोननिफ़्राय रङज्योयाव दिहुन्नाय मुवा-बेसादफोरखौ मुलुगनि गुबुन गुबुन जायगायाव लांनाय जादों । नाथाय उदांश्रीनि उनाव आरो सिगांनि सरकार गोहैलो नोजोर होनायनि थाखायनो बेफोर फोनांजाबनि रहयाा बन्द ' जादों । नाथाय दिनेि अन्थाय खाम्फा गाइसन्नाय बे पार्कआ दुलाराइ गवालपारा जिल्लानि थाखाय मोनसे सनानि खाबु गोनां बुक्लिखौ लाबोदों आरो मुलुगनां बाजारवा गवाखौनो गसंथानो आसामखौ मोनसे जरखा खाबु होदों । गिबि मन्थिआ बुंबावोदि, आसाम सरकार रङजो-रजाफोरनो होनाय गासैबो बाश्राफोरखौ फारि-फारियै मावफुंगासिनो दं । अशक पेपार मिलनि बे हाया गोलाव साननिफ़्रायनो ऐरेनो गोर्लैसोना थानायनि सोलायै आथिखालनि सरकार बे माल्टि मडेल पार्क लुफुंनयानि गेजेरजों आसाम गोरोबथानि दफाखौ मावफुंना होनायनि बेयो मोनसे जाफुंसारनाय बिदिन्थि होन्नानै बुङे । फारसेथिं बे बिथांखिखौ मावफुंनयाव जाहाथे जायखि जाया जाहोनावनो हेंथा थाया बेनि थाखाय ओन्सोलनि सरासन्खा सुबुंफोरबो बिबान लानांगौ होन्नानै गिबि मन्थिआ फोसावो ॥ ॥

### बडाइगावनि जगिघपायाव खुंनाय मडेल लजिस्टिक पार्कनि फोसावदिंनाय फोर्बोयाव कक्राझारनिफ़्रायबो बाहागो लाहैदों

जांखिथायनि मोनसे गेदेर बिथांखिखौ मिरु आरो रङज्यो सरकारा बडाइगाव जिल्लानि जगिघपायाव फसंनाय जादों । कक्राझार जिल्ला खुंगिरि भास्कर पुकनआ बुडोदि, कक्राझार जिल्लानिफ़्राय पार्कनि बेखेवनाय हाबाफारियाव बाहागो लानो दावबायलादों । समाज सिबियारि बिबुति बरगयारिया बुडोदि, जगिघपायाव गाइसन्नाय लजिस्टिक्स पार्क आ रङज्योनि नोगोरारिफोरनि थाखाय फालांगि खालामनायनि फारसे मोजां खाबु मोन्नो हागोन ॥ ॥

### मिरु एबसुआ बिटिआरनि सिङव थानाय गासै भेन्सार गुदि, गेजेर, गोजौं आरो फरायसालिमाफोरखौ सरकारि खालामजोबनायनि सायाव गोनांथार जथुम खुंदों

सोलोथाय बिबानगिरिफेर, बर' थुनलाइ आफदनि आफदगिरि, गाहाय नेहाथारिजों लोगोसे बिथामोननि दैदेनगिरिफेर, गुबुन गुबुन बिफाननि गोजौ थाखोनि बिबानगिरिफोरबो बे सावरयनायाव बाहागो लायो । बे सावरय मेलआव मिरु दुलाराय बर' फरायसा आफादनिफ़्राय फारियै लेङइ आफादगिरि, बिटिआर गोरोबथानि दाफुंजानाय कमिसननि सोद्रोमा जयन्त बसुमतारि, बिटिआर गोरोबथानि सागानगिरि एबा मिरु एबसुनि गाहाय नेहाथारि लेरसे इस्त्तारि, बुंथिगिरि फनिन बर', लोगो गाहाइ नेहाथारि खोरगेमदाव औवारि, सोलोंथाय नेहाथारि कास्तम बसुमतारि, रंखान्थि नेहाथारि सरन्जय ब्रह्म आरो लोगो सोलोंथाय नेहाथारि अविद नार्जाँरिया बाहागो लायो ॥ ॥

### माहारियारि सोलोंथाय खान्थिनि सायाव जिल्ला थाखोनि मावबादा खुंदों

बराया गोदान सोलोंथाय खान्थिनि थाखो आयदानि सायाव गोनांथारे बिबुंथि लाखिना फोरमायथियो । माखासे साननि हाबाफारिजों खुंनाय माहारियारि सोलोंथाय खान्थिनि सायाव जिल्ला थाखोनि मावबादायाव उदालगुरि जिल्ला खुंगिरि प्र कास रन्जन गरपालियाआबो गाहाय आलासि महूरै बाहागो लादों । लोगोसे उदालगुरि जिल्लानि फरायसालि नायसंगिरि भबेन दिडरियाबो बे मावबादायाव माननि आलासि महूरै बाहागो लादों ॥ ॥



## केन्सार बेरामखौ फेजेनबाय सन्जय दत्तआ

गोदान दिल्ली, 20 अक्टूबर : फावरुंगुर सन्जय दत्तनि केन्सार बेराम जानाया मोजां जाबाय। बिनि खाथिनि सोमोन्दो गोनां लोगो आरो ट्रेड एनालिस्ट राज बन्सलआ बे खौरांखौ



होदों आरो ककिलाबेन देहा फाहामसालिनि सुलुआबो बेनि सोमोन्दे फोरमायदों। सन्जय दत्त आरो बिनि बिसि मान्यतायाबो अफिसियेली डिकलेयार खालामनो हागौ। समबारआव 61 बोसोरनि जानाय सन्जुनि पिइंट रिपटआ सोराखव फेदों, जेराव बिनियाव केन्सार फ्रि मोन्नाय जादों। पिइंटिखौ स्केन केन्सारनि बयनिखुइबो अर्थेन्टिक नायबिजिनाय मानिनाय जादों। जेराव मोनथिनाय जायोदि गोहोम गोमलैनाय सुबुनाव केन्सार जिबिखिनि मा थासारि जायो। केन्सार जिबिखियाव नैथि जिबिखिनि रुजुनायाव मेटाबोलिक रेटआव बांसिन जायो। केमिकल एक्टिविटीनि बे हाइ लेबेलनि जाहोनाव केन्सार जिबिखिफोरखौ पिइंटि स्केनआव जॉनाय महरै नुनो मोनो। बे जाहोनिनि थाखायनो पिइंटि स्केन केन्सारखौ मोनथिनो थाखाय बिहोमा होयो आरो लोगोसेनो केन्सारआ देहायाव बेसेबां गोसारबो खेखौ मोनथिनाय जायो। थानाय माखासे सान सिगां सन्जय दत्तआ मोनसे भिडियआव गिबि खेब गावनि बेरामनि सोमोन्दे बाश्ना फोरमायदोंमोन। मुंदांखां हेयार स्टाइलिस्ट अलीम हाकिमआव गावनि ससियेल मिडिया पेजआव सन्जय दत्तनि भिडियखौ सेयार खालामदोंमोन। बेवहाय सन्जय दत्तआ अलीमजों साफ्रोमखौबो सिनायथि होदोंमोन आरो गावनि खर'आव जानाय दागोखौ दिन्थिनानै बुंदोंमोन, जुदि नोथाड खेखौ नुयोब्ला मोनथिनोदि बेयो आंनि जिडिन बावैसो समाव जानाय दागो, नाथाय आं बेखौ फेजेनगोन। आं थाबैनो केन्सारजों देरहागोन।

## लन्डननि मुंदांखा चौराहेआव शाहरुख आरो काजलनि मुर्ति बानायसिगोन

गोदान दिल्ली, 20 अक्टूबर : हिन्दी सावथुनआव मोजां मोनलायनाय सल'फोरनि गोलाव जारिमिन जाबोदों। मुगले आजम, देबदास आरो मैने प्यार किया बायदि बायदि सावथुनफोरा आलादा आलादा दावबायनायाव मोजां मोनलायनायनि जारिमिनखौ पर्दाआव लिरदों, नाथाय दिलवाले दुल्हानिया ले जायेंगेआव राज आरो सिमरनि मोजां मोनलायनायनि सल'आ माराठा मन्दिरआव 1000 सप्ताहसिम सोलिनाय श्व' जादोंब्ला गुबुन फार्सेथिजाय आमेरिकानि हादतगिरिनि बिबुंथि होनायावबो महरखौ बेनि नुनो मोन्नाय जादों। आथिखालाव मोजां मोनलायनायनि बे सुपार हिट सल'नि फावगिरिफोरखौ मुर्तिनि महरै लन्डननि मुंदांखा तीसेन्टर स्कवायर चौराहेआव अरायसमनि थाखाय अमरै लाखिबाय थानाय जागोन। माबेबा हिन्दी सावथुननि थाखाय बेबायदिगै गिबि खेब जागोन। मख'जाथावदि, 20 अक्टूबर 1995 आव रिलिज जानाय दिलवाले दुल्हानिया ले जायेंगेआव शाहरुख खानआव राजनि फाव खालामदों आरो काजलआ सिमरनि फाव खालामदों। फार्सेथि अमरीश पुरीआ बिफाननि फाव खालामदों। जायखौ दासिमबो गोसोखाडो। सावथुननि



कारिन्ति सलआबो एसेबांनो रस गोनां, जेसेबां मोननो राज आरो सिमरनि लाभ स्टरीआबो। हिन्दी सावथुनखौ रमान्दिक खालामनाय आरो सोमोन्दोखौ मोनसे आलादा

थाखोआ लानाय बिथोनगिरि यश चपड़ानि फिसाल्ला आदित्य चपड़ा गावनि डेब्यु सावथुन हलिउड सुपार स्टार टम कुजखौ गाहाय फाव खालामनो लानो हास्थायदोंमोन।

## करण जहरनि स्व कफी उइथ करणनि मोनसे भिडिअआ भाइरेल जादों

गोदान दिल्ली, 20 अक्टूबर: करण जहरनि स्व कफी उइथ करणनि मोनसे भिडिअआ इन्टरनेटआव भाइरेल जादों। भिडिअआव करणआ रपिड फायर सेक्सनआव काजलनाव सौथि सोलोदि, दिनेनिफ्राय 10 बोसोरनि उनाव आर्यन आरो नीसाया खारोब्ला बिसोरनि सायाव मा फिनजाथाय होगोन? बे मख'जाथाव सौथियाव काजल आरो शाहरुख खानआ गोबां मोजां फिन्नायबो होदों आरो बे भिडिअआ 2007 नि। कफी उइथ करणआव शाहरुख, काजल आरो रानी मुखार्जीमोनहा लोगोसे बाहागो लादोंमोन। रपिड फायर सेक्सनआव करणनि सौथियाव काजलआ गावनि ब्लकबास्टर सावथुन दिल वाले दुल्हानिया ले जायेंगेनि हैदेन्नायाव बुंदोंदि, दिलवाले दुल्हा ले जायेंगे। बेराफार्से शाहरुख खाननि महरआव हमदोंनो हादोंदि, बिबो बे फिन्नायखौ लानानै थुलुंगाखाडाखौमोन। कि खानआ बुंदों, आं जंखायनायखौ हमनो हायाखे। आं बे बाश्नानि सायाव गियोदि, जुदि बिबो आंजों सोमोन्दो गोनां जायोब्ला आं सान्नोबो हाया। शाहरुखनि बे बाश्नायाव रानीआ मिनिगादों। बिसोर साथामबो करण जहरनि डिरेक्टर महरै डेब्यु खालामनाय सावथुन कुछ कुछ हता हैआव गाहाय फाव कालामदोंमोन, जाय बावैसो समाव 22 बोसोर आबुं जाबाय। मख'नो गोनांदि, शाहरुख आरो काजलआ बे समाव ट्रेन्डआव दड, मानोना बिसोरनि सावथुन दिलवाले दुल्हानिया ले जायेंगेआ 25 बोसोर आबुं जासिगोन। बे सावथुनआ 20 अक्टूबर 1995 आव रिलिस जादोंमोन। आदित्य चपड़ानि बिथोन होनाय बे सावथुनखौ हिन्दी सावथुननि आइकनिक मानिना लानाय जायो जेराव शाहरुख आरो काजलआ राज आरो सिमरनि फाव खालामदोंमोन।


## कंगना रनटखौ जिनाहारि खालामनो हुमखि हरेदों

गोदान दिल्ली, 20 अक्टूबर: कंगना रनटखौ सासे उकिलआ ससेल मिडियाआव जिनाहारि खालामनो हुमखि होदों। बे हुमखिखौ कंगनानि बै पस्टनि सायाव होनाय जादों, जेराव बिबो नबरात्रि आरो भ्रतखौ मख'दोंमोन। आथिखालाव जेब्ला केसआव दावराव-दावसि सोमजियो अब्ला उकिलआ निमाहा बिदों आरो बाश्नाखौबो रोखा खालामनानै गावनि आइडिआ हेक जाबायमोन होनानै बुंदोंमोन। उरिथानि उकिल मेहन्दी रजाया कंगनानि पस्टआव सहर गेजेराव नों जिनाहारि खालामजानांगौ होनानै कमेन्ट खालामदोंमोन। बे कमेन्टनि उनाव इजकारफोरा मेहन्दी रजाखौ गोबां सहायनो हायै बाश्नाफोर बुंदों। रिपटनि बादिब्ला, मेहन्दी रजाया उरिथानि झारसुगड़ा डिस्ट्रिक्ट एन्ड सेसन कटआव एडभकेट। फोरमायनाय बादिब्ला, रजानि हेंथायै केस थिसननाय जाखांबाय। इजकारफोरनि रिपेक्सनखौ नुनानै रजाया पस्टआव निमाहा बिदों। रजाया लिरदों-आंनि फेसबुक आइडिआ हेक जाबायमोन, जायजों माखासे लाजिनांथाव कमेन्ट पस्ट खालामनाय जादों। रावबो आइजो एबा कमिडिनीनि सोमोन्दे आं बेबादि नोजोरखौ होया। आं गावनो गोमोदों आरो आं बेनि थाखाय निमाहा बिबो। आं सुबुंफोरखौ आर'ज गाबो जाहथे आंनि निमाहाखौ गनायो।



जायफोर गोसोआव गोबां दुखु मोन्दों बिसोरो आंखौ निमाहा हो। आं थारैनो बेनि थाखाय निमाहा बिबो। मुम्बाइनि बान्द्रा कटआ शनिबारखालि कंगनानि हेंथायै धोरमनि मुडाव नंखाय बाश्ना गोसारहोनायनि धारफोरनि गेजेरजों केस थिसनो बिथोन होदोंमोन। बेनि सायाव

## माइरंजों गोथार बिजाब भागवत-गीताखौ लिरदों



हाइड्राबाद, 20 अक्टूबर: हाइड्राबादनि आइन्नि फरायसाया गर 4042 माइरंजों भागवत गीताखौ लिरदों, जाय गावखौनो हादरनि गिबि आइजो माइक आर्टिस्ट जानायनि दाबि दैखाडो। रामागिरी स्वारिकानि बादिब्ला, माइरंजों भागवत गीताखौ लिरनायाव 150 घन्टा सम नादों। दासिमाव बिबो 2 रोजानिफ्रायबो बांसिन मोजां-मोजां आरिमुखौ बानायखांबाय। बिबो मिल्क आर्ट, लेखा बिलाइनि मेप आरो सिबिं बेगरनि सायाव सावगारिबो आथिखांबाय। स्वारिकाया खर'नि खानायनि सायाव संबिजितनि खुगा फोरनायखौ लिरखांबायमोन। जायनि थाखाय तेलेंगानानि गभर्नर तमिसिलाइ सुन्दर राजनि गेजेरजों सन्मान होनाय जाखांबाय। माहारियाथि थाखोयाव गावनि सिनायथिखौ लाखिलांनयनि

उनाव बिबो हारिमायाथि प्लेटफर्मआव गावनि सिनायथिखौ बानायनो थियारि खालामदों। बिबो उन्दे समनिफ्रायनो आरिमु आरो देंखोखौ मोजां मोनो आरो उन्दे समावनो बिबो माखासे बान्था मोनखांबाय। 4 बोसोर सिगांभो माइरं सायाव भगवान गणेशनि सावगारिजों लोगोसे फिसा आरिमु बानायनायखौ जागायजेन्दोंमोन। बेनि उनाव माइरंनि सायाव इराजीनि हांखो-हाला लिरनायखौ जागायजेन्दों। 2019 आव स्वारिकानो दिल्ली सांस्कृतिक एकाडेमिआ माहारियाथि बान्था होदों आरो बिबो भारतनि गिबि माइक आर्ट महरै गनायथि होदों।

## गाहाम देहानि राहा

### राम थुलसि बेगरआ देहानि लिरथाय खमायनायाव मदत होयो

वेट लस डाइट एबा देहा सोलेरनि लेरथायखौ बाडाइ खालामनायाव राम थुलसि बेगरआ मख'जाथाव। निउट्रिसिनिस्टफोरा बेखौ जानो सुबुरुन हायो, मानोना बे बेगरआ गोबाव समसिम उखैहोयो। बेनि जाहोनआव देहानि लेरथायखौ खम खालामनायाव मदत मोनो। राम थुलसि बेगरआव गोबां पषण तत्व मोन्नाय जायो। जेरै-प्रटिन, भिटामिन, फाइबर अमेगा आरो फेटी एसिड जायफोरा गाहाम देहानि थाखाय मुलाम्फा गोनां। सुबुं देहाजों भुगिनाय सुबुंफोरनि थाखाय राम थुलसि बेगरआ मुलाम्फा गोनां। बेखौ जायोब्ला उदैया बुना थायो आरो उखैनाय नड। जायनि जाहोनाव देहानि लेरथायखौ सामलायनायाव मदत मोनो।



बेयाव फाइबर मोन्नाय जायो। जाय फेट एबा मेजेमखौ खामगिल होनायाव मुलाम्फा गोनां। थुलसि बेगरखौ मोनायाव सोमना दोन्नानै फुं आव उदैखालियाव जानांगौ। बेखौ बेरे मोदैजों गलायना लेबु बि दै सेबना होनानैबो जानो हागौ।

सानफ्रोमबो फुं आव उदै खालियाव जानाय हुदा खालामोब्ला गुफुं देहानिफ्राय थाबैनो रैखाथि मोनो हायो। (गाहाम देहानि राहाफोरखौ आजावनायनि सिगां डाक्टरनि सुबुरुन लानाया गाहाम)।

## अलदरआ ब्लाड सुगारखौ कन्ट्रल खालामो

अलदरआ मोनसे हा सिंनिफ्राय खिलिखांबोग्रा मैंग। भारतजों लोगोसे मुलुगनि बांसिन हादतफोरानो अलदरनि आबाद मावो। बेयाव माखासे फाहामथायनि गुन मोन्नाय जायो, जाय गोबां बेरामफोराव मुलाम्फा गोनां। जरखायै डायबिटिस आरो केन्सार बेरामिफोरनि थाखाय अलदरआ मुलाम्फा गोनां। इन्टारनेसनेल जार्नेल अफ बाय'मेडिकेल एन्ड फार्माचिटिकेल साइन्सेसनि मोनसे संदाननायनि बादिब्ला, अलदरजों डायबिटिसखौ सामलायनो हागौ। बे संदाननायाव रोखा मिबथिनो मोन्दोंदि, डायबिटिस बेरामिफोरा अलदरखौ जानांगौ। जरखाफोरनि बादिब्ला, अलदरआव एलानटइन मुनि तत्व मोननाय जायो जाय डायबिटिस बेरामआव गुन गोनां। बेयाव भिटामिन ए मोन्नाय जायो जाय बिगुरनि



थाखाय मुलाम्फा गोनां। मोनफ्रोम 100 ग्राम अलदरआव 70 ग्राम दैथायो। बेनिफ्राय रोखा मिथिनो हायोदि अलदरखौ जायोब्ला देहाया हायड्रेटयै थायो, जायजों बिगुरजों सोमोन्दो गोनां गासैबो जेनाफोरा जानगर जायो। लोगोसे मोखांआ रानखां जाय, सिदीमायै थायो। मख'नो गोनांदि बे टिप्स एबा सुबुरुनआ सरासन्ना। बेखौ

सोरबा डाक्टर एबा मेडिकेल प्रपेसनेलनि सुबुरुन हिसाबे लानाड, बेराम एबा इनफेक्सननि लोखोनफोर नुजायोब्ला डाक्टराव थानांगौ। (गाहाम देहानि राहाफोरखौ आजावनायनि सिगां डाक्टरनि सुबुरुन लानाया गाहाम)।

## सानी देउलनि जोनोम सानआव बिफा धर्मेन्द्रआ माखासे इमशनेल टुइटफोरे सेयार खालामदों

गोदान दिल्ली, 20 अक्टूबर : समबारआव सानी देउलआ गावनि जोनोम सानखौ फालिदों। फिसाल्लानि जोनोम साननि जरखा खाबुआव धर्मेन्द्रआ साफ्रोमबो फेन्सफोरनि थाखाय मेसेज लिरदों। धर्मेन्द्रआ सानीजों लोगोसे मोनसे सावगारिखौ सेयार खालामदों। जेराव सानैबोनि सिगाडाव केकखौ दोन्दों। सावगारिखौ सेयार खालामनानै धर्मेन्द्रआ लिरदों सानीनि जोनोम सानआव साफ्रोमबो गाहाम हामलायथि बावहरनायनि थाखाय अन्नायखौ जासिहरफिनबाय। नोथांमोनहा आंनि गोसोनि गोबां खाथियाव थाबोदों। मख'नो गोनांदि, धर्मेन्द्रआ

बे टुइटनि सिगां गावनि आरो सानीजों सोमोन्दो गोनां फेन्सफोरनि माखासे टुइटफोरखौ सेयार खालामदों। एखेराहायै गोबां टुइट खालामनायनि उनाव धर्मेन्द्रआ बुंदोंदि, आं आथिखालाव माखासे साननि थाखाय सिरियै थासिगोन। सानी फेबाइ बबी देउलआबो फावखुं गुरनो गाहाम हामलायथि बावहरदों। बबीआ सानीनि सावगारिखौ सेयार खालामनानै लिरदों, बिदा, बिफा आरो लोगोखौ हेप्पी बार्थ डे। बबीआ माखासे सान सिगां मोनसे इन्टारभिडनि समाव फोरमायदोंदि गाव बिफाजों लोगोसे बांद्राय समखौ हगारहरनो मोनामोन, मानोना धर्मेन्द्रआ सुटिंआव



नांथाबनानै थायोमोन। मोनसे मेगाजिनजों बाश्ना सावरायनानै बबीआ बुंदोंमोनिदि, गाव बिफा धर्मेन्द्रखौ गोबां सम्मान होयो, नाथाय बिजों लोगोसे बांद्राय अपेन थायाखे। बबीआ हमादोदि गाव बिफाजों फ्रेन्क जायोब्ला बिफाया गावखौ दासिमबो रायनो हागौ। बबीआ बुंवावदोंमोन, जेब्ला गावसोर देरबोनो हमादोंमोन बै समाव गावनि बिफाया

गोबां हाबाफारि मावदोंमोन, जायनि जाहोनाव गावसोर बिफाजों लोगोसे बांद्राय समखौ हगारहरनो मोनाखे। गाव बिफाजों सुटिंआव थाडोमोन। बै समाव सुबुंफोरनि सान्नाय हनाय आरो आखुफोरा गोबां आलादामोन। सासे बिफा आरो फिसाल्लानि सोमोन्दोआ एसेबां फ्रेन्डली जायामोन, जाय आथिखालाव जायो।



## आर्जेन्टिनायाव 10 लाख करना इनफेक्सननि पजिटिभ मोन्दों, भारतआआव करना इनफेक्सन जानाया खमाय लांगसिनो दड

गोदान दिल्ली, 20 अक्टूबर : आर्जेन्टिनायाव करना इनफेक्सन जानायनि अन्जिमाया 10 लाखसिम सौहैबाय। बे केसयाव बेयो मुलुगनि 5 थि आरो लेटिन आमेरिकाया नैथि हादत, जेराव इनफेक्सन जानाया 10 लाखसिम सौहैबाय। आर्जेन्टिनायाव सा 10,02,662 सुबुंफोरनाव करना इनफेक्सन जादों, जेराव सा 26,716 सुबुंफोरा थैदों। ब्रिटेन सरकारनि गाहाय बिगियानगिरि बोसोनगिरिआ फिन खनसेबाव करना भाइरासखौ लानानै गिदिर सांग्रांति होदों। बिगियानगिरि सार पेट्रिक वलान्सनि बादिब्ला करना भाइरासखौ भेक्सनआ फुरायै फोजोबसोनो हानाय नड। बोथोरनि प्लु बादि फैनो गोनां बोसोरावबो बे इनफेक्सना जाबाय थानो हागौ।



करना भेक्सनजों सुबुंफोरनि इनफेक्सन जानाय आरो गोब्राव बेराम जानाया खम जागोन। फैनो गोनां बोसोराव सरासन्सा सुबुंफोरा भेक्सनखौ मोन्नो हागौ। डाब्लिउ एड्चअया खोला सान्जा एसियाआव करना केसया खम जानायखौ नोजोर

होनानै सांग्रांथियै थानो बिथोन होदों। डाब्लिउ एड्चअया बुंदों, इनफेक्सनखौ दासिमबो सामलायनो हायाखै आरो बेबादियाव बांसिनै सांग्रांडे थानाय गोनांथार। दोहोन आरो निखावरि हादतफोरनि गेजेराव करना भेक्सनखौ समानै रान्ना

होनानै लानानै मुलुगनि दर 184 हादतफोरा खौसे जादों। इउर 'पियान हादतफोरनि रुजुनायाव एसियानि हादतफोर आरो बेवहाय थानाय सुबुंफोरा करनाखौ होबथानो थाखाय रैखाथि नेमखांथिखौ गोखोडे फालिदों। इन्डेसियाआ गिबि

खोलोबयाव बे बोसोरनि नबेम्बर डिसेम्बरनि गेजेराव 91 लाख सुबुंफोरनो कभिड-19 भेक्सनखौ जगायना होनाय जागोन। गिबि खोलोबयाव भेक्सनखौ बे सुबुंफोरनो होनाय जागोन, जायनाव करना भाइरास इनफेक्सननि बयनिखुइबो बांसिन खैफोद दं। बेवहाय उरां गाथोननि मावसुमाफोर, सान्थिफोर आरो पुलिस मावसुमाजों लोगोसे फाहामगिरि आरो राइज्योयारि मावसुमाफोरा दफा देरो। भारतआव करनाया खमाय लाबाय थारदों। थानाय समबाराव 45 रोजा 490 गोदान केसखौल' मोन्नो हादों। 69 रोजा 800 बेरामिफोरा गाहाम जाबाय। आथिखालाव 7.47 लाख बेरामिफोरनो फाहामथाय होनाया सोलिगासिनो दं।

## रुसनि सा 6 संगालि अफिसारफोरखौ साइबार गाग्लोबनायनि दायनिगिरि खालामदों आमेरिकाया



वाशिंटन, 20 जून: मुलुगनाडै साइबार गाग्लोबनाय आरो हेकिनि केसआव आमेरिकानि बिजिरगिरि बिपानआ सा 6 रुसनि संगालि बिबानगिरिफोरखौ दायनिगिरि खालामबाय। बे दायखौ बै खुफिया इजिनटनि सायाव जाबसिनाय जादों, जायखौ थानाय 2016 नि आमेरिकानि बिसायख 'थियाव आखाइ होनायनि थाखाय दायनिगिरि हामदोंमोन। बे बिबानगिरिआ रुसनि जिआरइउ संगालि एजेन्सिआव खामानि मावयो। बिसोरनि सायाव आरख डलारनि खहा जानाय आरो पेन्सिलभेनियाआव सावस्त्रियारि नेटवर्कजों लोगोसे फ्रान्सनि बिसायख 'थियावबो जेना सोमजिहोनयनि दाय दड। मख 'नो गोनांदि, थानाय 2016 आव आमेरिकानि हादरगिरि बिसायख 'थिनि सप्ताहसे सिगाल' बे संगालि हान्जाया डेमक्रेटिक इमेल इन्टरनेटनि सायाव फोसावदोंमोन। बै समाव बे साइबार गाग्लोबनायखौ बयनिखुइ बांसिन खैफोद गोनां आरो खहा गोनां महैर गनायदोंमोन। बिसोर याहुखौबो नोजोर होदोंमोन। रुसनि बे हेकारफोरनो थानाय 2018 आव खोला करियाआव जानाय उइन्टर अलिम्पिकआवबो सफ्टवेरनि सायाव गाग्लोबनानै डाटाखौ खहा खालामदोंमोन। बेनि गेजेरजों एफबिआइनि लेडि बिथोनगिरि डेभिड वडिचआ बुडोदि, चीनआ साइबार गाग्लोबनायनि केसआव गावसोरनि नेमखांथिखौ रोखायै लाखिनांगोन।

वाशिंटन, 20 अक्टूबर: आमेरिकानि सेन्टर फर डिजीज कन्ट्रोल एन्ड प्रेभेन्सननि बादिब्ला, आथिखालाव एन्टिबायटिकनि हेंथायै बेराम होबताग्रा गोहोखौ जौगाखां होनाया मोनसे सेलेन्स बादि जादों। आमेरिकायाव गासै 28 लाख सुबुंफोरा इन्फेक्सनआव गोसै 35,000 सुबुंफोरा थैदों। बेनि गेजेरजों आथिखालाव आमेरिकानि इजिनभासिंटि अफ पेन्सिलभेनियानि पेरलमेन स्कुल अफ मेडिसिननि आन्जाद नायग्राफोर बेरे जतानि बिसजों मोनसे गोदान एन्टिबायटिक अनुखौ थियारि खालामदों। अदेबानि आमेरिकानि बिगियानगिरिफोरा बिनि बिसजों एरैबादि एन्टि-माइक्रबियल अनुखौ दिहुन्दों जाय बै बेक्टेरियाखौ फोजोबगोन, जायनि सायाव मुलिआ गोहोम खोखलैनो हाया। बे अनुखौ थियारि खालामग्रा आमेरिकानि पेन्सिलभेनिया इजिनभासिंटिनुंनय बादिब्ला, बेजों थियारि खालामनाय मुलिजों टिबि



आरो सेप्सिसनि गिखंथाव बेक्टेरियानि फाहामथाय होनाय जागोन। नेसेनेल एकाडेमि अफ साइन्सेस जार्नेलआव पाब्लिस खालामनाय रिसार्चनि बादिब्ला, बिगियानगिरिपोरा एसियान, करियान आरो वेस्पुलानि बेरे जतानि बिसजों प्रटिननि फिसा बाहागो बख 'नानै बेनि महराव सोलायहोदों। सोलायनायनि जाहोनआव मुलिन अनुआ बै बेक्टेरियाखौ फोजोबनायनि गोहोआ बारायो। जायनि सायाव मुलिफोरा गोहोम खोखलैनो हायै महैर फोरमान जादों। एन्जरआव खालामनाय नायबिजिरनायाव मिबथिनो हायोदि, जाय बेक्टेरियानि सायाव मुलिन गोहोमआ

गोसैयाखै, बेनि सायाव बेयो गोहोम गोसैदों। बिगियानगिरिफोरनि बादिब्ला, आथिखालाव एरैबादि गोदान एन्टिबायटिक्सनि गोनां, जाय मुलिजों जोबसाडे बेक्टेरियाखौ फोजोबनो हायो, मानोना बेबादि इन्फेक्सनआ बारायगासिनो दड। अदेबानि बिसिनफ्राय दिहुनाय अनुआ गोदानै एन्टिबायटिकनि खामानि मावगोन।

## 70 बोसोरनि उनाव आमेरिकायाव सासे आइजोखौ जिउनि साजा फोनांदों

नियुर्क, 20 अक्टूबर: आमेरिकायाव गासै 70 बोसोर बैसोनि उनावबो सासे आइजोखौ थैनायनि साजा होनाय जागोन। अदेबानि बिजिरसालिनि बिथोननि सायाव आथिखालाव फैगौ 8 डिसेम्बराव बिखौ जिउ फोजोबसांग्रा इन्जेक्सन होनाय बुथारनाय जागोन। बिजिरगिरिआ बे आइजोखौ सासे गोबोंआव थानाय आइजोखौ बुथारनानै बिनि उदेखौ हाफुनानै गथ' गोलैखौ खावनायनि दाय मोन्दोंमोन। आथिखालाव दायनिगिरिनि उकिलआ बिखौ रैखा खालामनो नाजाबाय थारदों, नाथाय बिजिरगिरिआ बिसोरनि मोनसेबो खोथाखौ खोनासडखै। मख 'नो गोनांदि,



बे केसआ थानाय 2004 नि। पुलिन बादिब्ला, लिसा मान्यगमेरीआ सैमा बायनो

मान्यगमेरीआ बयनिखुइ सिगाडव 8 दाननि गोबोंआव थानाय स्टीनेटनि गोदोनाखौ दुर्जों खाथेनानै बुथारो। बेनि उनाव बियो स्टीनेटनि उदेखौ हाफुनानै गथ' खौ लानानै खारो। पुलिसआ केस थिसनानै बिखौ हननायनि उनाव मान्यगमेरीआ मिसौरीनि कर्टआव गावनि दायखौ गनायनानै लायो। बेनि उनाव थानाय 2008 आव बिजिरगिरिआ बिनि सायाव बुथारनाय आरो खावनायनि दायनिगिरि खालामो। हियारिनि समाव उकिलआ बिखौ रैखा खालामनो नाजानानै बिजिरसालियाव बिखौ बेरामि महैरबो दिन्थिफादों, नाथाय बिजिरसालिआ बे गासैखैबो नेवसिगारदों।

द्विन्थिप्लानानै मिसौरीआव थानाय 23 बोसोरनि स्टीनेटनि न'आव थारो। 36 बोसोरनि

## आमेरिकानि हादरगिरि बिजाथिफोरा

रिलिफोराव सोद्रोम गैयै राव बाहायनायनि अजद

गोदान दिल्ली, 20 अक्टूबर: आमेरिकायाव हादरगिरि बिसायख 'थि जानो नै सप्ताह सम दंबावो। 3 नभेम्बरआव बेवहाय भट थुनाय जागोन। डेमक्रेट आरो रिपब्लिकाननि बिजाथिफोरा देरहानो थाखाय गोबां नाजादों। डेमक्रेट पार्टिनि बिजाथि जइ बिडेनआ आथिखालनि हादरगिरि आरो रिपब्लिकान बिजाथि डनाल्ड ट्राम्पनि सायाव गोहोम खोखलैनो हादों। बे खेबनि हादरगिरिनि डिबेटआव गावजों गाव बाश्ना दान्थेलायनाया गोखों जादों। बावैसो समाव ट्राम्पआ बिडेननि नख 'रखौ आमेरिका जारिमिननि बयनिखुइबो देरसिन गेनाखांथि नख 'र फोरमायदों, गुबुन फासै



डेमक्रेटनिफ्राय बुंदोंदि, ट्राम्पनाव हादरगिरि जानायनि गुन गैया। बावैसो समाव सार्भे खालामनायाव मिबथिनो मोनाय जादोंदि, भारतीयफोर बिडेनखौ साबसिन मोजां मोन्दों। भारतीयफोरखौ डेमक्रेटनि भटसं महैर नोजोर होनाय जायो।

नाथाय बे खेबआव भारतीय भटारफोराबो गावसादों। बांसिन भटारफोरा बिडेननि फासै थारदोंब्लाबो 22 जौखोन्दो भारतीय भटारफोरा ट्राम्पखौ हेफाजाब होनायनि बाश्ना बुंदों। बे खेबआव मदि फेक्टरआबो सोलिदों।

## आलास्क्रयाव 7.5 गोख्रोंथिनि बांग्रि, सुनामीनि सांग्रांथि फोसावदों

अलास्का, 20 अक्टूबर : आमेरिकानि आलास्क्रयाव बांग्रि मावदों आरो बेनि उनावनो सुनामीनि सांग्रांथि फोसावो। करना भाइरासजों भुगिनांनया आमेरिकायाव सुनामीनि सांग्रांथि फोसावनायजों सुबुंफोरा बांसिनै गिखांनो हामदों। अलास्कानि बोरिमायाव समबारखालि मावनाया बांग्रिनि गोख्रैथिया 7.5 मोन। बांग्रि मावनायनि दसे उनावनो सुनामीनि सांग्रांथि फोसावनायनि उनाव सुबुंफोरा रैखाथि गोनां जायगाफोरा थानो हामो। माखासे जायगाफोराव 1.5-2 फुट गोजौ सुनामीनि गुथार सोमजिखंडों। अदेबानि एक्सपार्ट फोरनि सुबुरुन होनायनि उनाव सुनामीनि सांग्रांथि होनायखौ



एडभाइजारि एबा फोसावदिआव सोलायना होनाय जायो। नेसेनेल असिपिक एन्ड अटमस्फीरिक एडमिनिस्ट्रेसन (एनएएए)नि बादिब्ला बे बांग्रिनि मिरुआ सेन्ड पइन्ट सहरनिफ्राय 94 कि:मि: गोजानाव 41 कि:मि: हासिंआवमोन। सुनामीनि सांग्रांथिखौ केनेडी एन्सेनिफ्राय इउ निमेकनि खाथिसिम

फोसावदों। एजेन्सिया फोरमायनाय बादिब्ला, बै जायगानि सम बादिथै मोनाबिलिनि 5 रिंगायाव मावदों। आलास्का बांग्रि मावनायनि मावख 'नि बादिब्ला गिबि बांग्रि मावखानायनि उनाव खेबनै बांग्रि मावबावदों, जायनि गोहोआ 5 रिक्टरमोन।

## थाइलेन्डआव सरकारनि हेंथा धर्ना होनाया गोख्रोंसिन जादों

बेंकक, 20 अक्टूबर: राजथावनि बेंकक आव जगायनाय सरकारनि बेरेखायै दिन्थिफुनाया थाइलेन्डनि गुबुन बाहागोफोरावबो गोसारनो हामदों। द' साननिफ्रायनो लामायाव ओंखारनानै धर्ना होनाय लाइमोनफोरखौ फरायसालिफोरा दैदेन्दों आरो खुंथायनि नाजानायफोरनि गेजेरावबो सामलायजायाखौ। गोख्रैयै गाजिसिन थासारि जाबोनायखौ नोजोर होनाय संसदनि इमार्जेन्सि जथुमा लिंथुमनो थांखि लादों, जेराव गासैबो दोलोफोरा सोमजिखंडांनय थासारिनि

सायाव सावरायज्जलायगोन। धर्ना होग्राफोरखौ सामलायनो थाखाय खुंथाया मिडियाखौ सेन्सर खालामनो थांखि लादों। बे बिथिडव समबारखालि मिडिया फसंथानफोराव सिप्रोमनायबो जायो। लोगोसे टेलिग्राम मेसेजिं एपखौ ब्लक खालामनो नाजानायबो जायो। मानोना धर्ना होग्राफोरा खौरं दैथायहरनायाव बे एपखौनो बांसिनै बाहादों। धर्ना होनायखौ सामलायनायनि थाखाय बेंककआव इमार्जेन्सि फोसावना होयो। बेनि गेजेरजों साब्रैनि बांसिन थुबुर थानायखौ होबथानाय जायो। खुंथाया

धर्ना होग्राफोरनि हेंथायै नायबिजिरनो आरो बिसोरखौ खानायनि मोन्थायबो मोनबाय। राजा फोलेर एबा राजशाहीयाव सोलायनाय लाबोनो दाबि दैखानानै धर्ना होनाय लाइमोनफोरा गाहाय मन्थि प्रयुथ चान ओचाखौ बिबान एंगलायजानो लुबैदों। मख 'जाथावदि, सान्थिनि बिबानगिरि प्रयुथआ 2014 आव बै समनि सरकारनि खुंथायखौ सोलायनानै खुंथायाव फैदोंमोन। बेनि उनाव 2019 आव जानाय सरासन्सा बिसायख 'थियाव देरहायो, नाथाय गासैबो सुबुंफोरा

सान्थिनि हेफाजाब होनाय बिनि पार्टिनि देरहानायखौ गनाया। मानोना बिसायख 'थिनि सिगां बिनि पार्टिनि मुलाम्फा बायदियै संबिजितआव सोदांनय जादोंमोन। हादतनि नोगोरारिफोरा बे संबिजित सोदांनयखौ बिजिरनाय मानिना लायाखैमोन। धर्ना होग्राफोरा बेफोर बाश्नाफोरखौ लानानै लामायाव ओंखारबोदों आरो बिसोरनो नोगोरारिफोरनि मदतबो मोन्दों। बिन्धियाव नोगोरारि आरो सान्थिनि गेजेराव जेना सोमजिनो हागौ होन्नानै हामदानय जादों।

## मेलेरिया बुस्तार अभियानजों मेलेरियानि केसआ 65 जौखोन्दो खम जादों

बुस्तार, 20 अक्टूबर: मेलेरिया उदां बुस्तार अभियान छत्तीसगरनि बुस्तार ओन्सोलाव मोनसे गिदिर जाफुंसारनो हादों। 2019 नि सेप्टेम्बरजोरुजुनायाव 2020 नि सेप्टेम्बरआव मेलेरियानि केसआ 65.53 जौखोन्दोआव दावख्लायबोदों। थानाय बोसोरनि सेप्टेम्बरआव संभागनि मोन 7 जिल्लाफोराव मेलेरियानि केसखौ 4,230 मोन्दोंमोन। देग्लायनि थानाय

सेप्टेम्बरआव 1,458 केसखौल' मोन्दों। मेलेरिया प्रि बुस्तार अभियानआ नैथि खोलोबनि उनाव मोनसे गिदिर जाफुंसारनो हानाया गोजोन्थावनि बाश्ना। बे बोसोराव मेलेरिया बेरामिफोरनि अन्जिमाया थानाय बोसोरनि सेप्टेम्बरनिखुइ 65 जौखोन्दो खम जादों। छत्तीसगरनि देहा बिफाननि मन्थि टीएस सिं देबआ इट्ट खालामना बुंदोंदि, बे ओन्सोला बाश्नायजाथाव।

मेलेरिया उदां बुस्तार अभियाननि गेजेरजों गिबि खोलोबखौ थानाय जानुवारी-फेब्रुवारीआव नैथि खोलोबखौ जुन-जुलाइआव खुंनय जादोंमोन। गिबि खोलोबाव टेस्ट नायनानै सा 64,646 खौ मेलेरिया जानाय मोन्दोंमोन आरो फाहामथाय होनाय जादोंमोन। बेयाव गासै सा 14,06,000 सुबुंफोरखौ मेलेरिया टेस्ट नायनाय


जादोंमोन। नैथि खोलोबाव सा 23,75,000 सुबुंफोरखौ आन्जाद नायनाय जादों आरो मेलेरिया मोन्नाया सा 30,076 सुबुंफोरखौ कभिड-19 नि गोहोमनि गेजेरावनो फाहामथाय होनाय जायो। मेलेरिया उदां बुस्तार अभियाननि गोहोमजों कंकेर जिल्लायाव 75.2 जौखोन्दो, कन्डागावआव 73.1 जौखोन्दो, सुकमायाव 71.9 जौखोन्दो उदां जायो।



## कभिडनि नेमखान्थि फालिनायखौ इटालीनफ्राय सोलोनानै लानांगोन

रम, 20 अक्टबर:

मुलुगनाडै नो गिथावनायै साग्लोबसारनाय कभिड-19 निफ्राय जिउरैखाथि मोन्नो गुबुन गुबुन गोनांथार नेमखान्थिफोरखौ फालिनाय नुनो मोन्नाय जायो। बेनि गेजेराव मास्क गान्नाय आरो समाजयारि जान्थाय थानाय हुदा फालिनायखौनो गोनांसिन खालामनाय जादौ। नाथाय गोबां हादतफोरखौनो कभिडनिफ्राय रैखाथि मोन्नो फोसावनाय नेमखान्थिफोरखौ बिबान गैयैबादि फालिनाय नुनो मोन्नाय जायो। बेबादि समावनो इटालीनि दरसे जायगायाव थानाय सानै सुबुंफोरनिफ्राय सोलोनानै लानाया गोनांथार। इटाली हादतनि नथांसे कस्बेआव सानै सुबुंल' थायो। सुबुंनि होंगो-दोंगो गैयै बे जायगायाव सानै सुबुडा कभिडखौ गिनानै आरो फोसावनाय नेमखान्थिफोरखौ मानिनाय सानफ्रोमबो मास्क गान्नाय आरो सानैजौ गोजान गोजान थानाय हुदाखौ फालिबाय थायो। कस्बेआव सानै सुबुंल' थायोब्लोबो नाथाय बिसोर सानैआ सानफ्रोमबो मास्क गान्नाय आरो सानफ्रोमबो गोजान गोजान थालायनाय हुदाखौ बावगाराखै। 82 बोसोर बैसोनि जियबेनी केरली आरो 74 बोसोर बैसोनि



जियमफिर' नबेलीमोनहा बाथ्रा सावरायनाय समावबो गोजान गोजान थानानैसो रायज्जायो। बिसोर सानैआ आजिरा मोन्नाय सुबुं। बिसोररो बाथ्रा रायज्जायनायाव 1 मिटर गोजानाव थायो। जोबोद खस्नि गेजेरजौ बिसोर सानैआ गुबुन जायगायाव थानांगो जायो। नथांसे कस्बे नेरिना भेलीआ बाडाथैबो लैथो बिखुनिफ्राय 900 मिटर गोजौआव दडा। बे गोजौ जायगायाव सौहैनांगोयाबो बिसोरनि थाखाय गोलेँ हाबा नडा। मानोना बे गोजौ जायगायाव सुबुंफोरा मोनसे लामाजौनो थानांगो जायो। केरिली आरो नबेलीनि बादिब्ला, बिसोर सानैआ कभिडनिफ्राय रैखाथि नडा। मानोना इटालीआव

कभिडजौ दासिम 37 रोजा सुबुंफोरा जिउ खोमानांबाय। के रिलीआ फोरमायदों - कभिडजौ सन्देरजानाय एबा थैनायखौ गियो। जुदि गाव कभिडजौ सन्देरजोयब्ला गावखौ सोर जोथोन लागोन होन्नाय जिगासिनाय फोरमायो। बैसो बाबेनाय समाव कभिडनिफ्राय रैखाथि मोन्नो थाखाय बिसोर सानैआ दासान्दि गोजान गोजान थानाय आरो मास्क गान्नायखौ हुदा खालामदों आरो सुबुंफोरनिफ्राय मोनसे सांग्राथि होनो हादों। फैगो समफोरावबो बेबादिनो सांग्राथिथै थानानै कभिडनिफ्राय रैखा मोन्नायनि हुदाखौ फालिलांबाय थागोन होन्नायै फोसामयदों।

## मोन 32 फुटबल हान्जाफोरखौ मोन 8 गुपआव रान्नाय जादों

लन्डन, 20 अक्टबर: मुलुगनि बयनिखुइबो क्लब थाखोनि देरसिन फुटबल सेम्पियन्स लीग 2020-21 सिजननि गेलेनाया म' गल बारनि फाय जागायजेनबाय। बोसोरफ्रोमबो गेलेनायनि नेमखान्थि बादिदै खुंजाबोनाय बे सेम्पियन्स लीगआ मोनफ्रोमबो फुटबल क्लबनि थाखाय गोनांथार आरो जर'खा बादायलायनाय जायो। मानोना सेम्पियन्स लीगआ मुलुगनि गेजेराव बयनिखुइबो देरसिन बादायलायनाय जादों। सुलुनि बादिब्ला, गुबुन गुबुन फुटबल लीग बादायलायनायनिखुइ सेम्पियन्स लीगनि मार्केट भेलुआ बयनिखुइबो देरसिन आरो बेसेन गोनांसिन। बेनि मार्केट भेलुआ 1,16,855 कौटि रं जादों। बे बेसेन गोनां सेम्पियन्स लीगनि गेलेनाया दिनेनिफ्राय जागायजेननायनि सिगांनो मुलुगनि मोन 32 क्लबफोरनि गेजेराव मोन 8 गुप बोखावनाय एबा रान्नाय जादों। मख'नो गोनांदि, गासै 222 साननि



उनाव बे लीगनि गेलेनाया फैगो बोसोरनि 29 मेखालि तुर्कीआव खुंनायनि गनायथि मोन्दों। बे बादायलायनायाव मोन 225 मेचफोरखौ गेलेगोन। फासैथि डिफेन्डि सेम्पियन बेयान मिडनिकआ सेम्पियन्स लीगनि गिबि मेचखौ बुधवारखालि एथेलेटिक माद्रिदिनि हँथायै गेलेगोन। मोनसे सुलुडा मिबथिहोनाय बादिब्ला, सेम्पियन्स लीगनि थाखाय गासै 1035 कौटि रंनि बान्थाखौ थिखानाय जादों। जेराव 165 कौटि रंखौ सेम्पियन्स लीगनि टुफा देरहानाय हान्जाया आजावनो हागोन आरो गेजेन हान्जाया 130 कौटि रंखौ बान्था हिसाबै आजावनो हागोन। मख'नो गोनांदि, बे सिजननि


सेम्पियन्स लीगआव बाहागो लागोन मोन 32 क्लबफोरनि गेजेराव मोन 8 गुप खालामनायै होनाय बादिब्ला, गुप-एआव एथेलेटिक 'माद्रिदि, सालसबाग, लकमटिभ मस्क, बेयान मिडनिक। गुप-बिआव रियेल माद्रिदि, साप्तर डनेस्क',

बरुसिया मनसेनग्लेडबेक, इन्टारमिलन। गुप-सिआव मन्वेस्टार सिटी, मासिले, पर्ट, अलम्पियाकच। गुप-डिआव लिभारपुल, अयास्क, आटलान्च, एफसि मिडटिलेन्ड। गुप-इआव सेल्सि, सेबिला, रेनेस, क्रसनधार। गुप-एफआव

बरुसिया डर्टमुन्ड, लाजिय, जेनिथ, क्लब ब्रग। गुप-जिआव जुभेन्टस, बासिलना, डाइनेम', पेरेंबारस। गुप-एडसआव मन्वेस्टार इनाइटेड, पिएसजि, लिफजि, इस्तानबुल बासकसेहिरमोनहानो गाहायै गेलेगोन। मख'नो गोनांदि, गोजौआव रायखानाय गुपफोरनि गेजेराव गुप-जिआव बासिलना आरो जुभेन्टस क्लबनि गेजेराव गेलेनाय एबा रनाल्ड आरो लियनेल मेसिनि गेजेराव गोखौं जुजिलायनायखौ नुनो मोनगोन। रायखानो गोनांदि, मोनफ्रोमबो क्लबफोरनि थाखाय सेम्पियन्स लीगखौ देरहानाया सिमांबादि जायो। बे थांखिजौ मोनफ्रोमबो क्लबफोरा गोखौडे गेलेनो साखा-फारा जादों।

## बृटेनआव कभिड-19 नि गोसारनायखौ होबथानो फिन वेल्सआव लकडाउन

लन्डन, 20 अक्टबर: मुलुगनि गुबुन गुबुन हादतफोरजौ लोगोसे बृटेनआवबो कभिड-19 नि गोसारनाया बारायबाय थानायखौ नोजोर होनायै खोला-सोनाब ओन्सोलाव थानाय वेल्सआव सप्ताहैनि थाखाय आबुं लकडाउन फोसावबाय। बे लकडाउनआ शुक्रवारनिफ्राय जागायजेनगोन।



महामारि कभिडनि साग्लोबसारनायखौ नोजोर होनायै वेल्सआव फिन आबुं लकडाउन फोसावनायनि हेफाजाबै सुबुंफोरनि जिउ रैखाथि होनो थांखि लानाय जादों। सुलुनि बादिब्ला, शुक्रवारनिफ्राय जागायजेननाय लकडाउनआ फैगो 9 नभेम्बरसिम सोलिबाय थागोन। बे लकडाउननि समाव गोबांथार फालांगि फसंथानफोरा बन्द थागोन। बे समनि गेजेराव सुबुंफोरखौ न'सिडवनो थानो थाखायबो खावलायदों। गोनां खामानि गैयाब्ला सुबुंफोरखौ गाव-गावनि न'आवनो थानो बुंनाय जादों। लकडाउननि समाव दखान, दावबायथिलि आरो फालांगि फसंथानफोरा बन्द थागोन। वेल्सनि गाहाय मन्थि मार्क ड्रेकफर्डआ

राजथावनि कार्डिपआव मोनसे खौरांगिरि मेलनि गेजेरजौ बुडेदि, ओन्सोलाव जैरेबादि कभिडनि गोसारनाया बांबोदों बेखौ नोजोर होनायै फिन लकडाउन फोसावनाय जादों। लोगोसे साफ्रोमबो सुबुंफोरखौ फोसावनाय नेमखान्थिफोरखौ मानिनायै सोलिनो थाखाय फोसावदों। मख'नो गोनांदि, दासान्दि जौनि सुबुं समाजआव कभिड-19 आ जोबोद गात्रि गोहोम खोखलैदों। बेनि अनगायैबो कभिडनि जाहोनआव सुबुंफोरनि थानानै

## मोनसे समाव थानो न' गैजायै गौरब

## शर्माआ निउजिलेण्डनि एमपि सायख 'जाबाय

सिमला, 20 अक्टबर: 20 बोसोरनि सिगां हिमाचल प्रदेशनि हामिरपुर जिल्लानिफ्राय निउजिलेण्डआव थाहैनाय गौरब शर्माआ बावैसो सिगां खुंनाय पार्लियामेन्टनि बिसायख'थियाव एमपि महै सायख'जाबाय। बेनि सिगां गौरब शर्माआ मेडिसिन आरो सार्जिआव डिग्री लाखांनै निउजिलेण्डनि हेमिल्टनआव प्रेक्टिस खालामहैदोंमोन। थानाय बिसायख'थियाव बादायनायै गौरबआ हेमिल्टन सोनाब बियाबनिफ्राय गां 16950 भट मोन्नायै बेरेखा दोलो नेसनेल पार्लिनि दैदेनगिरि टिम मैकिन्डखौ गां 4425 जौ फेजेन्नायै देरहासर जायो होनायै निउजिलेण्डनि इलेक्टरेल कमिसनआ मिबथिहोयो।



देरहासरनायखौ हिमाचल प्रदेशनि गिबि मन्थि जयराम ठाकुरआ गाहाम हामब्लायनाय हरनायै इयुनावबो भारत हादतनि मुंलाखिलांबाय थागोन होनायै मिजिंथिनाय फोरमायदों। मख'नो गोनांदि, गौरब शर्मानि बिफाआ नख'रैनो निउजिलेण्डआव राज्जो

जाहैनायनि सिगां हिमाचल प्रदेश मोब्लिब बर्डनि सासे मावकुं इन्जिनियरनि बिबान सामलायनायै दडमोन। जेब्ला गौरबआ थाखो 9 आव फरायगासिनो दडमोन अब्ला बिसोरनि नख'रआ गोब्राब रंखाथियारि जेनायाव गोरलैनायै खुनुरोखोमै जिउ खुंनानै

दडमोन। बेराफासै गौरबनि बिफायाबो साखि नागिरबायनायै 6 बोसोरनि उनावसो फिसा साखि मोन्दोंमोन। बे समनि गेजेराव बिसोररो राहा गैयै जानानै एखनब्ला पार्कफोरनि बेन्सफोराव उन्दुनोबो गोनां जादोंमोन आरो सम सम अकलेन्ड सिटी मिसन आरो

हरेकृष्ण मिसनफोराव आदार आजावनानै जानोबो गोनां जादोंमोन।

नोजोर होथाव बाथ्रादि, निउजिलेण्डनि थानाय जेनेरेल बिसायख'थियाव लेबार पार्लिआ गोबांथार मासि देरहानानै दोलोनि दैदेनगिरि जेसिन्डा आर्डन'आ फिन निउजिलेण्डनि गाहाय मन्थि जाफिन्तो हायो। आर्डन'नि लेबार पार्लिआ बे बिसायख'थियाव 49 जौखोन्दोनि बांसिन भट मोन्नायै देरहायो। बेराफासै बेरेखा दोलो नेसनेल पार्लिआ 26.9 जौखोन्दोल' भट मोन्नो हायो। सा 120 सोद्रोमा गोनां निउजिलेण्डनि पार्लियामेन्टआव लेबार पार्लिहा सा 61 नि बांसिन सोद्रोमाफोर दडा।

## सिंगापुरआव बयनिखुइबो बेसेन गोसा पेन्ट हाउसखौ बाडाइ बेसेनआव फानसिगोन

सिंगापुर, 20 अक्टबर: बृटेननि कौटि कौटि धोननि बिगोमा आरो बेगलेस बेकुम क्लिनारनि दिहुनगिरि जेम्स डाइसनआ सिंगापूरआव थानाय गावनि मोनथाम तालानि पेन्ट हाउसखौ फानो फोसावदों। सोमोनांथाव बाथ्राया बेसोदि, थानाय बोसोरसेनि सिगां जेम्सआ जाय बेसेनआव पेन्ट हाउसखौ बायदोंमोन बेनिखुइ जोबोद बाडाइ बेसेनआव फानो थाखाय थांखि लादों। जेम्स डाइसन आरो बिनि बिसिआ गासै 74 मिलियन सिंगापुुरी डलारआव पेन्ट

हाउसखौ बायदोंमोन। नाथाय डाइसनआ बिनि जोबोद बाडायाथार बेसेन 15 जौखोन्दोयावनो फानो थाखाय थियारि जादों। मिबथिनाय बादिब्ला, बे पेन्ट हाउसखौ बायनायाव गासै 62 मिलियन सिंगापुुरी डलारआव गोरोबथा जादोंमोन। डाइसननि फार्मनि बुंथिगिरिआ बे गोरोबथा जानायनि सायाव बांसिन गोनां बाथारखौ मिबथिहोनायनिफ्राय नेवसिगादोंब्लाबो नाथाय पेन्ट हाउसखौ फाननाया बाडाइ बेसेनआवनो रोखा जादों।

डाइसनआ सिंगापूरआव मोनसे न'आवनो थानायनि थांखि लानाय बाथ्राखौ मिबथिहोबावदों। सिंगापूरनि बयनिखुइबो जौसिन बिल्डिं, तेनजं पगार सेन्टरआव थानाय मोन 5 बेडरूम गोनां बे सुपार पेन्ट हाउसआव गासै 600 बथल वाइन लाखिनायनि थाखाय मोनसे आलादा खथाबो दडा। बेल'नड, बे बिल्डिंआव लिफ्ट, सुइमिं फुल बायदि लाक्जारी खबुफोराबो दंजोबो। बे पेन्ट हाउसखौ गासै 21 रोजा बर्ग फीटआव बानायनाय जादों। बे



गोरोबथानि सायाव बयनिखुइबो सिगां बेखेवथिना होनाय एबा मिबथिहोनाय बिजनेस टाइम्स खौरंलाइनि बादिब्ला, पेन्ट हाउसनि थाखाय 62 मिलियन सिंगापुुरी डलारनि अपार होनायखौ जेम्स डाइसनआ गनायथिदों। जेराव बिथाडा बोसोरसेनि सिगां गासै 15 जौखोन्दो बेसेनआव बे पेन्ट हाउसखौ बायदोंमोन आरो सहरनि बयनिखुइबो समायनासिन पेन्ट हाउसनि बेसेनआ सिगां समाव 100 मिलियन सिंगापुुरी डलारसिम

सौहैदोंमोन। पेन्ट हाउसआनो सिंगापुुरि बयनिखुइबो बेसेनगोनांसिन न' एबा बिल्डिं जादों। पेन्ट हाउसनि बायगिरिखौ इन्डनेसियानि आमेरिका फोलेरारि एबा फालांगिरि लिय कगुवान होन्नायै मिबथिनाय जादों। जेम्स डाइसनआ सिंगापूरआव आरोबाव गुबुन मोनसे सोमोनांथाव बेसेन गोनां न'बो लुनानै लादोंमोन। मिबथिनाय बादिब्ला, डाइसनआ गावनि कम्पानीनि मावख'खौ बृटेननिफ्राय सिंगापूरआव फसंनो थांखि लादों। थानाय

बोसोराव बिथाडा इलेक्ट्रिक कार बानायनो थांखि लानाय खामानिखौबो बन्द खालामनो थांखि लादों। मानोना बिथाडा बे बिथांखिखौ बानायफुं'नायाव बांसिन मुलाम्फा जानो हायैखौ नोजोर होनायैनो बन्द खालामनायनि थांखिखौ लानो गोनां जादों। कम्पानीनि बुंथिगिरिआ बुडेदि, जेम्स डाइसनआ सिंगापूरआव गावनि फालांगि हाबाखौ सोलिंलाहोनो थाखाय बेबादि गिदिरि थांखिखौ लादों होन्नायै मिबथिनाय जादों।